

讀
春
秋
管
見

凝園讀春秋管見卷之二

慎齋羅典徽五氏定稿

男紹祁孫起校字

賢綸

桓公

元年

春王正月公即位

管見桓公元年書春王正月二年仍書春王正月以桓公之立由羣立之而隱公之弑亦由羣弑之也亂臣賊子王法所必誅在桓公即位之一二年猶望魯有能伸王法以正羣之罪者及三年而桓公要於齊乃使羣如齊逆女方

讀春秋管見

卷二

桓公元年

大著其為公子以求見重於齊是竟忘乎其為魯之亂賊
矣於王法何有哉蔑有王法而尚知有王哉故經於桓公
三年但書春正月而不書王。

三月公會鄭伯于垂

管見公會鄭伯于垂鄭之志也蓋鄭伯以桓公繼弑君而
立繼不與聞乎弑而其事曖昧不明終有疑慮不自安者
是非修好於諸侯不可為憶隱公十年魯會鄭代宋十一
年又會鄭入許魯必以為有功於鄭也則欲修好於諸侯
莫鄭若矣於是鄭伯先期公會于垂以中其隱公亦欣然
樂從遂如其期以會之故曰公會鄭伯于垂鄭之志也鄭
何志志在卒得魯之許田即以
此會于垂者為交易之地耳

鄭伯以璧假許田

管見致工記玉人璧羨度尺好三寸以爲度璧孔曰好凡
人稱好者必作圓圓爲孔象故璧中之圓孔以好名三月
公會鄭伯于垂原以合二國之好故鄭伯僞致永以爲好
之情於魯特先以璧將也夏四月丁未公及鄭伯盟于越
此其訂盟之物與會於垂在前盟於越在後而以璧假許
田介乎其中鄭伯陰爲措置魯桓亦何能出其範圍耶其
假許田之辭亦當借義於璧而後婉而易入蓋前之歸枋
初未明言易許田也及是乃明言之鄭伯當謂往年使宛
歸枋亦以枋近魯許田近鄭各舉其近者相易即得藉此
以合二國之好也爾時魯既入枋竊幸魯以枋爲近而遂
入之必將得及近鄭之許田而約相與易之魯入枋而鄭
入許田亦得藉此以卒合二國之好矣比閏四年未得
命隱公即世故特以璧假許田欲成魯先君合好未竟之
緒亦並使自今以往魯之與鄭皆共矢於永以爲好也豈
不嘉哉以璧假許田之辭蓋如此魯桓何以處鄭伯耶時
方在會尤冀得盟歸枋入枋爲往事無緣得悔則當其再

四。躊躇。知。亦。有。必。不。獲。已。而。受。其。壁。乞。其。假。許。田。者。矣。許。田。耕。假。本。鄭。伯。之。遜。辭。而。經。文。仍。之。亦。即。以。著。其。久。而。不。歸。耳。左。傳。曰。惟。名。與。器。不。可。以。假。人。邑。土。錫。自。天。子。傳。之。先。君。又。可。假。乎。一。或。假。之。而。尚。有。復。歸。者。乎。許。田。杜。注。近。許。之。田。今。開。封。府。許。州。西。南。有。魯。城。本。許。田。後。置。邑。寰。宇。志。謂。在。許。昌。城。南。四。十。里。者。是。也。

夏四月丁未公及鄭伯盟于越

〔管見〕鄭伯忽以壁假許田。魯桓豈能以遽諾哉。其間遲疑。積日。亦頻需往復。通辭。於是。以三月遇於岳。及夏之四月。而盟未定。惟鄭伯稔知魯桓之心。必恃此盟以自安。遂主。於許田。可假則盟。不可假則不盟。並因之去岳而至越。詐。若却公之盟。而實以要公之來就盟也。故書夏四月丁未。公及鄭伯盟于越。及者。追及之也。及越而遂得盟於越。則。既諾其假許田。而以。壁薦司盟之神。乃已。

秋大水

管子左傳曰凡平原出水為大水。穀梁曰高下有水災曰大水。孫氏覺曰大者非常之辭。水非常而為災或害禾稼收。歲舍凡為災則書之。汪氏克寬曰書時不書月則水之汎濫為害益歷時而未平也。數說經義已盡。他或謂桓行逆德而致陰沴。桓雖有罪而大水之災不及桓而及民。民何罪乎。

冬十月

管子雖無事而必書冬十月。明後之為冬十有一月。又為冬十有二月。不可違亦不可改。以此知周之改元。首冬十有一月初未嘗以為春正月。即商之改元。首冬十有二月皆未嘗以為春正月也。

二年

春王正月戊申宋督弑其君與夷及其大夫孔父

管見陳氏傳良曰華督則曷為但稱督隱桓莊之春秋凡弑皆名之張氏洽曰初宋穆公舍馮而立與夷使馮出居鄭與夷既立而鄭莊公欲納馮於宋於是自隱四年以後鄭宋屢相侵伐華督蓋馮之黨也夫黨馮者即因之共擊與夷凡皆所以阿鄭耳此足得宋督弑其君之由來矣其書及其大夫孔父殺其君難也莊公十二年八月甲午書宋萬弑其君捷及其大夫仇牧僖公十年正月書晉里克弑其君卓及其大夫荀息皆蒙上弑字及之不別言殺者蓋著其賊不異人兵不異器皆同時及於難云爾當宋督之弑君孔父或自其朝光之而以死衛君又或自其家聞之而以死殉君此之謂死君難也若左傳稱華父督見孔父之妻於路目逆而送之曰美而豐二年春督攻孔父

而取其妻公怒督懼遂弑殤公夫孔父先死於其室不及
君與夷被弑之時其在華督之殺孔父亦獨取孔父之妻
故何緣得指為孔父之死君難哉且孔父為大夫而其妻
乃行於路華督亦為大夫而孔父之妻不避其路華督之
目逆而送之乃至久立於路皆涉於虛妄不經惡可信耶
至孔父之辨彙纂案云穀梁以孔父為字趙氏匡駁之是
矣左氏以父為名杜氏預因為罪孔父之說亦非也惟劉
氏敞君前臣名之說最為精當故程子及蘇氏轍胡氏安
國皆用之啖氏助則云孔字父美稱也孔氏之先皆以字
連父故有弗父金父若孔為氏豈世世改乎又春秋時名
嘉者多字孔是其證也此說甚詳核然名君而字臣於義
終未安故主劉傳而啖氏之說附存於此攷本姓鮮弗父
何生宋父周周生世父勝勝生正考父正考父生孔父嘉
五世親盡別為公族始以孔為氏焉一曰孔父者生時所
賜號也是以子孫遂以為氏據此則孔父之名嘉而非名
孔與啖氏所論正合或者春秋本書及其大夫孔嘉後之

讀春秋者欲尊孔子因並尊其所由氏孔之祖而諱之故以父字易嘉字其敢於易之者竊擬足以慰孔子修魯史而不得為祖諱之私願當不至以妄干筆削之權為罪也與

滕子來朝

管見禮凡諸侯之邦交大國聘小國小國朝大國滕小而近魯其來朝稱滕子從其本爵以明禮也且魯桓新立滕以前之朝隱而繼之於禮亦正有所不得已者但猶是滕也前與薛共稱侯而此改稱子非為時王所黜之謂蓋五等之爵伯子男得統稱侯亦為禮前因隱公旅見滕薛二君不避天子之禮幾自忘其為侯故首書滕侯即聯書薛侯以正隱公之失耳不然滕子爵薛亦伯爵若泥指滕本侯爵則亦將泥指薛為侯爵矣其可乎

三月公會齊侯陳侯鄭伯于稷以成宋亂

管見會于緄以成宋亂。鄭伯主之。公及齊侯、陳侯則其從也。按鄭地北與衛鄰。南與蔡鄰。此會獨衛侯、蔡侯不與。蓋由隱之十年。鄭伯報宋殤公長葛之役。伐宋。宋以衛人入。鄭又使衛人召蔡人伐鄭。鄭伯皆伐取之。怨未平。雖若之而不必應。若魯桓之繼隱而立。已於元年會岳盟越。結姪正。斬且隱。公前於十年夏與齊侯會鄭伐宋。冬齊侯再會鄭入郕。至十一年秋。隱公復及齊侯會鄭入許。其事去桓無幾。將齊侯猶如故也。則欲得今之公與齊侯相與并力。若撫之左券矣。惟陳先睦於衛。當隱之四年。從州吁再伐鄭。而州吁旋死於濮。濮為陳地。衛人殺之。實陳人執之。則陳非卒黨於衛。當亦可要約以收其助也。此皆鄭伯所熟計。而陰決其應。不如此。若於三月而公會齊侯、陳侯、鄭伯於緄矣。其會於緄之謀。則鄭伯欲卒納公子馮而仍使督相之。故曰以成宋亂。計馮之出居於鄭踰十年。鄭伯久欲納之。真其以鄭為德。行將來社稷以從耳。惟宋督私於馮。以阿鄭伯之意。遂於桓之二年正月。弑其君與夷以召

馮。此宋之亂也。在宋人豈得不謀討。而更奉與夷之子以立為君乎。時鄭伯急欲納馮。亦惟恐緩不逮事。而又以所期之諸侯未合。勢不足以威宋。則宋人縱不拒馮。或致誅督。督誅而馮孤。雖納如弗納也。已而三月公及齊侯陳侯至。與鄭伯會於宋之瑕。鄭伯納馮而馮遂入。且即以宋殤被弑之逆賊。轉為公子。馮築立之。元輔故使華督。如其先之。為太宰而相之所。謂成宋亂者如此。此在公及齊侯陳侯。昧然為鄭伯所使。亦無足責。獨念鄭伯此舉。既敢於成宋之亂。則其自為恃戾者。尚何所不至哉。是不待縶葛之戰。而始見其無王矣。瑕杜注。宋地。當在今歸德府境。

夏四月取郕大鼎于宋戊申納于大廟

管見。郕。說文。周文王子所封之國。又左傳僖二十四年。郕雍曹勝。文之昭也。注。濟陰城武縣東南有郕城。其大鼎繫於郕者。當是郕之始封。有此分縣耳。僖公四年。猶書郕于來朝。則其國未嘗滅。宋密大鼎以何時為宋所有。而今以

財魯也。三月公會齊侯、陳侯、鄭伯于稷，以成宋亂。夏四月，取郕、大鄆于宋。戊申，納于大廟。臧哀伯諫，極言其非，禮詳見左傳。學者多誦之。戊申，紀日。承上夏四月來，孔疏謂杜預長歷，此年四月無戊申，故有日而無月。夫不月而日，安所繫耶？徒以長歷遞推四月為庚午朔，故月中無戊申，非經之有誤也。再按隱公五年，書冬十有一月辛巳，公子驅卒於大夫卒，而詳其月日，表其為公子，則賢之矣。自是以迄，字子臧為臧氏，世預魯政。哀伯達其子也。前事隱公，遠六年及茲桓公二年，而諫納郕、大鄆，與其父僖伯之諫隱公，視魚、詞義皆典核嚴正。而其後之卒，獨畧而不書者，殆以隱公被弑之賊，稔知為輩，而隱忍同朝，不克舍生抗論，使之明正典刑，則卻鼎一諫，不足舉以塞責也。其卒諡曰哀，未解何所取義，即借以隱達為兩朝大夫。惟是鬱鬱不得伸其志，以死斯亦可矣。

秋七月杞侯來朝

管見杞有二國。一為商以前所封。周亦存之。不廢。在今山東青州府安邱縣境。本子爵。凡春秋所稱杞子者。是也。一為周武王代商。求禹之後。得東樓公。以舊封。僻陋在夷。乃更封之中土。而因其舊號。曰杞。在今河南開封府杞縣境。加爵為伯。凡春秋所稱杞伯者。是也。杞伯已別於杞子。而此復加稱杞侯。則又非直以五等之爵。得統稱諸侯。遂與前之滕子。亦稱滕侯者。一例。解之。蓋周封虞夏商之後。為三恪。王禮之。如賓客。然則其來朝於魯。不稱杞伯。而稱杞侯。欲見杞備三恪。而與虞及商之兩朝相次。以視魯之獨為宗國。得兼四代之服。器官而同。用王禮者。適為二國相敵云。

蔡侯鄭伯會于鄧

管見鄧杜注。潁川名陵縣西南有鄧城。今鄧襄城在河南開封府鄧城縣東南三十五里。此以鄧為蔡邑。當從之。公

羊以為鄧國。雖據五年鄧侯來朝為證。孔疏以為鄧國去蔡甚遠。蔡鄭不宜遠會。其國都駁之良是。夫鄧為蔡地。蔡侯乃得鄭伯之來會者。以鄭伯欲與蔡侯釋怨而修好耳。何以知之前隱公十年秋。宋人蔡人衛人伐戴。鄭伯伐取之。戴為鄭之與國。蔡人會伐之。則鄭怨於蔡。及鄭伯皆伐取之。蔡不得志於戴。而被鄭之伐取。則蔡亦怨於鄭矣。以故此桓公之二年三月。公會齊侯陳侯鄭伯於稷。蔡與衛皆不與焉。鄭伯知衛之不可遽和。而蔡猶得就之以相結也。於是期蔡侯於蔡地之鄧。使蔡侯不出境。而鄭伯入其境以會之。此亦猶是行其輪平之故智耳。然於魯猶使人而於蔡。則復躬親也。蔡侯其將執何說以謝乎。故書曰蔡侯鄭伯會於鄧。著其釋怨修好之順。以從轉似。蔡漢為主。而鄭伯為之客。然。是可知鄭伯之謀為此會。而即得以卒結蔡侯者。獨在期其會於蔡地之鄧為得算也。乃說者多主公羊。而以鄧為鄧國。遂謂蔡鄭鄧之三国皆以近楚而懼。因相與為會。以共謀備楚。攷楚武王熊通十九年始入

春秋亦獨憑陵江漢之間而已。及莊公四年。楚文王熊貲
立。而後侵及中國。其見於經者。於莊公十年。書荆敗蔡師
於莘。以蔡侯獻舞歸。十六年。書荆伐鄭。傳亦於是年紀楚
人之滅鄧焉。此三國被患之明徵也。然以今蔡侯鄭伯會
於鄧之桓公二年數之。盡桓公十八年。又續以莊公十年。
則楚之敗蔡。在令二十六年之後。復續莊公十年。而及於
十六年。則楚之伐鄭滅鄧。更在令三十二年之後。彼蔡侯
鄭伯鄧侯者。何由各能懼而早計。以有此會。既會矣。又
何由共謀而定。備楚之策。以無虛此會哉。

九月入杞

管見此九月所入之杞。乃商以前舊封之杞也。稱杞子。若
七月來朝之杞伯。得加稱杞侯者。與此為二。須辨之。凡帥
師而造其國都為入。突稱入杞。其入者為誰。是必羣耳。豈
在桓公時。專橫益甚。則無因而帥師入杞。當與前隱二年。

之無駭師。師入杞。同也。然則曷為不書鞏入杞。由桓公以鞏之立已為德。特縱之而不加禁制。故然。非獨鞏之罪也。於是不得書鞏入杞。而道公又不得書公入杞。而舍鞏。故於九月止書入杞。使讀春秋者思其所由來。則知魯爾日之君若臣其為無道而不可道者矣。

公及戎盟于唐

管見隱公二年。先會戎而後盟戎。始盟也。桓公繼隱之盟。則可不以會先之。唐地在戎。隱公盟戎於唐。而桓公亦不易地。故皆以及稱及者。自魯而道戎也。

冬公至自唐

管見古至者。著其盟戎而盟成於隱公之舊好。庶幾其不渝耳。至於公行而反。必親告於祖禰。此屬常禮。非書至之

正義也。不然，隱公盟戎於唐而不書至，豈得謂祖禰之廟，桓公必告而隱公可不告哉？

三年

春正月

管見桓公三年但書春正月而不書王，其於魯則為公會齊侯於贏，其於諸侯則為齊侯衛侯胥命於蒲也。左傳以會於贏為成昏於齊，公豈能自成哉？其時殆以公子翬為之媒耳。觀後書如齊逆女，不他使而特以公子翬則可見矣。再借證於文公末年，公子遂殺子赤，立宣公，與翬之惡同。而其先為公如齊求昏，既定而歸，乃專弑立，及宣公即位之正月，公子遂如齊逆女。三月遂以夫人婦姜至自齊，則送女與求昏為一人可即遂以知翬也。蓋桓之繼隱由翬之弑隱皆終不自安，乃欲求昏於齊，結強援以為捍蔽，可知公會齊侯於贏以成此昏者，實以逃天討也。天討不可

得行是無王矣。至齊侯、衛侯、晉命於蒲。晉為相義，同列諸侯。何言乎相命？欲相命為侯伯。云爾。侯伯為諸侯之長，所稱霸者以此。齊侯約與衛侯並霸，故相與專命以互稱侯伯。是謂晉命於蒲。然惟王言乃得稱命，非可妄假。如後僖公二十八年，晉文公敗楚師於城濮，為踐土之盟，獻俘於王。王命尹氏及王子虎、內史叔與父策命晉侯為侯伯，曰：「王謂叔父，敬服王命，以綏四國。」糾邀王，應晉侯三解，從命曰：「重耳，敗再拜稽首，奉揚天子之丕顯休命。」受策以出，侯伯之命鄭重如此。亦可知齊侯、衛侯之得命於蒲，以期並霸者實以干天命也。天命不得行，是益無王矣。合并論之，當桓公之元年，二年尚不至此。

公會齊侯于贏

〔管見〕公會齊侯于贏，蓋由齊既許昏而因之，納幣耳。納幣不親行，如文二年公子遂如齊納幣，禮也。惟莊之二十二

年冬以將娶哀姜而如齊納幣是為非禮此桓公三年六月之納幣為娶文姜也雖不竟及齊都而猶必於齊地之魯豈得以為是禮乎亦獨緣此以會而成昏者出於懼討求援則不得不先下之故然羸柱泮齊邑泰山羸縣今故城在山東泰安州東南五十里

夏齊侯衛侯得命于蒲

管見朱子語類問張洽曰尋常如何理會是不命曰尋考之矣當從劉侍讀之說自王命不行則諸侯上僭之事由階而升然必與勢力之相上下者共為之所以布於衆而成其勢也齊衛當時勢敵故齊僖自以為小伯而黎人責衛以方伯之事當時王不能命伯而欲自為伯故於此彼此相命以成其私也及其久也則力之能為者與之矣故齊桓遂自稱伯以至戰國諸侯各有稱王之意不敢獨稱於國必與勢力之相侔者共約而為之魏齊會於濁澤

相王是也。其後七國皆王。秦人思有以勝之。於是使人。致
帝於齊。約共稱帝。自相命。而至於相王。自相王。而至於相
帝。皆竊之。漸勢必至此。豈非其明證乎。曰。然則左傳所謂
子命于弭。何也。曰。此以納王之事。相遜相先也。曰。說亦有
理。按此論推闡盡致。足徵春秋齊命二字不再見。實為孔
子特筆。再按齊命于蒲。齊侯之志也。當時鄭強於衛。齊侯
何以舍鄭而與衛耶。蓋以齊承太公表海之封。先王嘗使
召康公命之曰。五侯九伯。女實征之。其同時受封者有衛
康叔。武王親命之。史錄以為康誥其首曰。孟侯。孟為伯義
其位。任與方伯之領諸侯同也。若鄭之封國最後。又為屬
工之庶子。東遷之初。失故土而宅新邑。勢微甚。今雖浸強。
本非齊耦。故齊命之舉。亦獨引衛以與為匹。衛耳。蒲。杜注。
衛地在陳留長垣縣西南。今直隸大名府長垣縣治。故蒲城是也。

六月公會杞侯于郕

春秋左傳卷二 桓公三年

十

二

管見公於杞侯何為而會。又何為而會於郕。殆即此以報杞侯之來朝耳。杞侯承夏後以備三恪。足與魯為敵。則當桓之二年七月。杞侯來朝。既踰年而魯亦當往朝於杞。以報之。然杞侯自視終以國小而伯爵未足與魯敵也。於諸侯敵則相朝之禮不合。於是三年之六月。公因必當往朝於杞。以報之。遂越境而至於郕。杞侯又因不敢當公之往朝於杞。以辭之。亦遂越境而同至於郕也。郕為地主。則公與杞侯但得行會禮。不得行朝禮矣。然公未及朝而已與為會。則公心安杞侯獨求與會而不受其朝。則杞侯之心亦安。蓋禮之以義起者宜有此。既會皆自郕而還。故書曰公會杞侯于郕。郕為舊濮州之雷澤縣。今屬曹州府。正當魯之西南。杞之東北。乃二國往來適中之地。

秋七月壬辰朔日有食之既

管見日有食之有頤去聲訝其不當食而食也。異矣。至於食之而既則尤異。既者日光盡也。

公子翬如齊逆女

管見前皆直斥其名曰翬。此忽加公子者何。蓋翬以弑隱而立桓。為正卿專政。舉朝皆號為公子。雖桓公亦不名之。以為親且貴之重臣。一時無兩云爾。故春秋存公子之號。以著魯之共阿於翬。而仍直斥其名以取絕之。曰公子翬。翬之如齊逆女。逆文姜也。文姜有淫惡。與其兄襄公亂。歸魯之後。卒以淫而啟彭生乘公之禍。是女之能為大逆不道者。乃今於桓之三年秋七月。初使如齊逆之。魯之他臣皆不與。而獨以翬往。則是正以弑隱公之公子而往逆弑桓公之夫人。人矣。豈不怪哉。

九月齊侯送姜氏于謹

管見謹杜注魯地。濟北蛇邱縣西有謹亭。今濟南府肥城縣西南有謹城。穀梁曰。禮送女。父不下堂。左傳曰。公子則

下脚送之於大國。雖公子亦上卿送之。公不自送。齊侯何以必送姜氏而乃至於謹哉。當公子輩如齊逆女。及期齊侯命公子輩以夫人姜氏歸。而姜氏不行。必欲齊侯送之於謹而後行。於是齊侯恐事之違而譏大國之不教也。遂不得已而來送之。故特書曰。齊侯送姜氏于謹。

公會齊侯于謹

〔管見〕士昏禮親迎。必及正昏之期。將為賓。至門外。女之父為主。人迎於門外。入升。其雁再拜稽首。降出。婦從。女父不降。送。婿御婦車。授綏。說乘其車。先侯於門外。揖婦入。此言女近則親迎於其家。若然耳。若女之家遠。亦當先納女於館。及期而後親迎。況諸侯之娶夫人。皆至自異國乎。故哀公問篇言大昏既至。冕而親迎。程子及張氏洽皆謂諸侯使上卿逆夫人於其國。至於所館。然後親迎而入也。今桓公元。吏輩如齊逆女矣。齊侯越禮而遠送姜氏於謹。聽之。

可也。公復何為必會齊侯於讎哉。蓋當齊侯及讎將還。仍命輦以夫人姜氏歸。而姜氏又不行。必使公親迎於讎。而受女於齊侯。乃復行於楚公。以齊侯為姜氏而待於讎。且重其賜之室。以共事社稷宗廟也。亦遂不得已而往會之。故聯書曰。公會齊侯于讎。

夫人姜氏至自齊

「管見姜氏之與其兄襄公亂。毛詩刺之屢矣。及是而歸於魯。先既挾恩恃愛。而要其父齊侯之遠出。送女復復憑強藉大。而要其夫魯公之遠出。送婦是能終不逞其淫惡。以肆為逆謀哉。嗟乎。此三年九月。書夫人姜氏至自齊。及十八年四月。書公之喪。至自齊。比而觀之。亦誠足怵目而劇心矣。可不鑒哉。」

冬齊侯使其弟年來聘

管見齊侯使其弟年來聘亦以問公與夫人姜氏耳說者以爲致女非是禮記曾子問篇孔子曰三月而廟見稱來婦也擇日而祭於禰成婦義也張子曰古者三月而後廟見女家馬亦不去必三月而後反此則慎重服事祖考可
以事宗廟不可以事宗廟於此決之女家然後反馬據此則嫁女當三月廟見之後既反馬於是嫁女之國乃使使致女耳致謝也言謝女道而成婦道也曲禮稱大夫七十致仕若不得謝則必賜之几杖是足徵致之爲謝矣春秋成公八年宋公使公孫壽來納幣九年二月伯姬歸于宋夏季孫行父如宋致女此其初見者致前之隱二年伯姬歸于紀七年叔姬歸于紀莊二十五年伯姬歸于杞僖十五年季姬歸于鄭皆不書致女則知魯女而嫁於小國意蓋以爲女至而即優於爲夫人也何待三月廟見之後而致女乎以故齊侯以文姜娶魯桓桓自處於大國而目魯爲小於是當致女之月而使其弟來聘初不言致女也夫致女爲昏禮之專名既不可以聘混且聘皆使卿其至魯

猶守臣道若齊侯之弟年乃夫人姜氏之叔父並得抗其尊於魯公之上者是雖泛稱來聘亦不如禮顧乃正指其聘之為致女而來焉惡有合與

有年

管見楊氏士勛曰凡書有年者冬五穀畢入計用豐足然後書之不可繫以日月宣十六年大有年亦時是其證也王氏樵曰桓宣行惡宜得天譴固矣民則何辜天降之有年正見人不恤民而天勤之也考於經桓公元年大水五年旱益八年冬十月雨雪十三年又大水十四年無冰御庠災咎微疊見惟此年以有年書見年為民之命國之所以存亡而深為人君不德召災之戒也按穀梁傳云一穀不升謂之暵二穀不升謂之饑三穀不升謂之饉四穀不升謂之漙五穀不升謂之大侵又王制云凶無九年之蓄曰不足無六年之蓄曰急無三年之蓄曰國非其國也然

則桓公十八年中。惟此一書有年。則其餘為嘯。為饑。為饉。為流。為大侵。可知。無年則無所蓄。此十八年中。非一書有年所能濟其必終於為不足。為急。為國非其國。亦可知矣。

四年

春正月公狩于郎

管見前隱之五年公觀魚于棠。此桓之四年。公狩于郎。棠與郎。並在今山東兗州府魚臺縣境。則郎之近於棠者。殆為魯國行狩之大藪。與後莊公三十一年春築臺于郎。昭公九年冬築郎囿。皆踵舊增修。非創設者。郎。固早為之。囿而有臺。屹其中矣。囿以狩。臺以觀。狩。桓公此行。必將以夫人姜氏從也。左傳稱叔向謂礲蔑曰。昔賈大夫惡娶妻而美。三年不言。不笑。御以如皋。射雉。獲之。其妻始笑而言。賈大夫曰。才之不可以已。我不能射。女遂不言不笑。夫。夫射

雉足。以炫才。而况狩乎。於時公狩于郎。之。國夫人姜氏觀
於郎園之臺。以此悅之。而博其言笑。蓋有加矣。從可知四
年春正月。特書公狩于郎。譏其因色荒而濟之以禽荒耳。
蓋桓公以三年娶姜氏。六年子同生。同後為莊公。莊公乃
有庶長兄公子慶父。是桓之夫人未歸。先已御妾生子。可
不謂色荒乎。姜氏新昏。當暱之。然非燕婉而易與者。公乃
欲與初春出狩于郎。不計時不憚遠。地獨期於夫人與
俱。庶幾悅懌而已。可不謂因色荒而濟之以禽荒乎。

夏天王使宰渠伯糾來聘

管見秋官大行人言王使臣於諸侯之禮。有曰。賀慶以贊
諸侯之喜。王氏應電曰。賀慶者。諸侯有冠昏嘉事。以贊助
其喜。由此言之。三年秋。桓公娶姜氏于齊。喜可知。已。及此
四年夏天王使宰渠伯來聘。非即所以歸之賀慶哉。然公
以春正月而狩于郎。其志已荒。且夫人姜氏有淫惡。以逆
之而至自齊。必將不利於公。是可憂也。何喜之有。是可哀

弔也何賀慶之有而天王乃使其宰渠伯來聘於是魯人之見其來者以為志荒如公有淫惡如夫人姜氏而謬當此聘在天王高拱京國猶得不失其尊若其宰渠伯之奉命辱臨適足以見笑而自黜耳因遂例以王朝之下士而斥其名為糾欲於宰渠伯承之羞耳夫天王之於諸侯宜賀慶以贊其喜則其使宰渠伯來聘不得直指其非禮然度爾時之衆論必有竊為厭鄙而黜之者故書曰天王使宰渠伯糾來聘至此下之秋冬二時皆不書首月者蓋以魯自夫人姜氏入公因色荒而濟以禽荒既狩于郎以後諸政廢弛經時累月而不加省姑闕之以著其虛擲云爾或謂魯史之本闕者誤

五年

春正月甲戌己丑陳侯鮑卒

管見此書甲戌已丑陳侯鮑卒。非由再赴。亦非有闕文。蓋陳侯以正月寢疾。其弟佗殺太子。免於甲戌。自甲戌歷十六日至已丑。而陳侯卒。是則有甲戌之變。乃以致已丑之變也。故書曰甲戌已丑陳侯鮑卒。著其殺太子而陳侯之疾遂不起。佗雖殺太子而未弑陳侯。猶之弑陳侯矣。所以重陳佗之罪也。至六年秋八月壬午大閱。即聯言蔡人殺陳佗。則亦壬午殺之矣。六年秋八月殺佗於壬午。而後此年春正月有甲戌已丑之亂。自太子而陳侯者。其賊無所逃而讐乃雪也。若昭公八年春。書陳侯之弟招殺陳世子偃師。夏四月辛丑陳侯溺卒。其事亦大同。而文之據事直書。若獨有異者。以世子偃師殺自春。陳侯溺卒於夏。時月既易。則與此甲戌已丑之十六日同在春正月者。不可以一視也。讀春秋而借後之用詳明。以推前之用渾括。乃知書法之奇變。其文之隨時成例有如此。

夏齊侯鄭伯如紀

〔卷見〕左傳謂齊侯鄭伯朝于紀。欲以襲之。紀人知之。夫小國朝大國。大國聘小國。常也。以齊侯鄭伯同謀襲紀。朝之名。豈可假乎。且謂齊侯欲襲紀。特與鄭伯同謀。亦未見其必然。觀後莊之元年。齊師遷紀。邢鄆邵三年。紀季以邢入于齊。四年。紀侯大去其國。初不聞借力於鄭。亦可知鄭師雖強而遠。齊欲因之襲紀。其勢固非所能及也。竊意齊國近紀。齊侯之欲滅紀而有之。亦其本情。惟先謀如紀。以親累其地。不因事而出。則無名。時適當鄭伯至齊。齊侯乃以國東之雄勝。憑負山海。兼有瑯琊。即墨之饒。足以誇示鄭伯。從之遊。觀可也。然齊侯之心目中。則有所隱注於紀之國都。及其旁邑。雖道里所經。不必皆紀而。非為紀者。故春秋特探其陰謀以揭之曰。齊侯鄭伯如紀。其實如非。果至於紀。如紀。亦非。曾得見紀侯也。

天王使仍叔之子來聘

管見汪氏克寬曰詩雲漢序云仍叔美宣王則仍叔世大
夫可知按宣王時有仍叔春秋時亦有仍叔則是後之世
大夫者蒙其前稱以明重耳及後之仍叔卒而其子襲為
大夫名未顯于諸侯乃亦蒙其前稱而冠以仍叔曰仍叔
之子皆藉之以明重也秋官大行人云天子之撫諸侯有
問問以諭諸侯之志問問者所謂歲徧存三歲徧頌五歲
徧省是已而又云歸服以交諸侯之福賀慶以贊諸侯之
喜致禮以補諸侯之裁鄭氏錡曰問問歸服固有一定之
制賀慶致禮則以時舉無常期此足知桓公四年夏天王
使宰渠伯糾來聘為其三年娶夫人姜氏天王使歸之賀
慶以贊其喜本無常期可與問問之禮並行而不悖者及
茲五年夏天王復使仍叔之子來聘則亦猶是舉行問問
之有定制而不失其常期者與何嫌於比年皆來聘也

葬陳桓公

言春秋卷之六
管見書葬陳桓公。譏也。曷譏爾。此年春正月。陳佗殺太子
完。以致陳侯鮑卒。遂自立而代之。及夏而葬陳侯。則主其
葬者。必篡立之賊陳佗也。諸侯不為陳討賊而使。人會葬
魯。亦會葬以視前二年三月公會齊侯陳侯鄭伯于稷以
成宋亂。一由君自會之。一由君使其臣會之。而前
為成宋亂。此為成陳亂。未之有異也。可無譏乎。

城祝丘

管見祝丘。杜注。魯地。漢即邱縣。孟康曰。春秋時之祝丘也。
今沂州東南五十里。有即邱城。按祝丘在沂州。則齊適魯
之東道當必至此。紀在齊魯之東。夏齊侯與鄭伯如紀。是
圖紀也。齊侯既如紀。他時豈不欲如祝丘耶。桓公知齊侯
自胥命于蒲以來。銳於圖伯。輒思吞盟小國。魯之於齊。亦
不得以昏姻之故。恃其永以為好而不相害也。觀後之十
五年冬十有二月丙午。齊侯與衛侯鄭伯來戰于郎。距今纔
五年。而相惡至此。齊可以不備乎。郎之來戰。無傷于魯。殆

由隱公九年之城郎足。以禦之。然則桓公之有戒心於紀而興城祝邱之役。欲使齊之東道有所捍蔽。雖以師來要。不至長驅直入。豈得識其違時而失計哉。

秋蔡人衛人陳人從王伐鄭

管見蔡衛陳三國皆稱人。非盡謂其將卑師少而人之也。當時周以東之諸侯。惟衛與鄭為讐。惟陳蔡仍睦於衛。其從王伐鄭。衛實王之繆葛之戰。蔡侯封人之與不與。未可知。衛侯晉必當親帥師以從事者。惟陳侯鮑卒。陳佗翼立。將懼討而不敢出。則其使卿將之無疑矣。夫蔡衛陳從王伐鄭。亦不失其順。然毛詩王風三以有兔爰爰目之。則實謂其狡脫善奔。有如此。以是而王卒大敗。其健闘敢死。者為雉。而鄭為魚麗之陳。先偏後伍。伍承彌縫。則皆使之懼于羅與罟罟也。彼蔡衛陳之君與卿將何地以自處乎。故概從其貶。而曰蔡人衛人陳人耳。然從王伐鄭者。猶貶而

稱人言外便見不從王者將並不得比于人其示誅之意
嚴矣且伐鄭之役桓王自將鄭伯既敢抗王師大敗王卒
甚而至於射中王肩則鄭莊之為君曼伯祭仲原繁高渠
彌祝聃之為臣與其所帥左拒右拒中軍之士卒一國中
皆以人而化為厲鬼故作兔爰之詩者感其時變事異之
莫甚於鄭也曰我生之初其無為無造無庸尚如彼豈料
其有此百罹百憂百凶耶乃我生之後則皆逢之胡為乎
來哉夫厲鬼之屬有三其三者之各以類從為數甚衆則
以百該之可也凡水火兵戎之厄其無辜而蹈禍者多矣
此之謂百罹凡幽囚冤抑之故其沒齒而含憤者亦多矣
此之謂百憂凡魑魅罔兩之妖其不若而為災者又多矣
此之謂百凶百罹百憂百凶皆生人所不願偶一逢之者
而適遇此犯義無法之會乃各出其殊形怪狀嘯聚狂奔
則是光天化日中不復可作人間世也夫天下無王之境
象遂至冥幽闇與有蹟而無蹟之厲鬼為之徒侶以是
而詩人之逢此者其卒憤不欲生而自況曰尚寐無訖謂

不忍言此無王之事也。復自祝曰：尚寐無覺，謂不忍此無王之事也。更自祝曰：尚寐無聰，謂不忍聞此無王之事也。從可知桓公在位十八年，其十四年春秋不書王，以罪諸侯之無王者，當以五年為主，以五年之伐鄭為桓

大雩

管見觀下文以蠡聯書，可知此大雩者，以禱蟲災，非禱旱災也。旱與蟲異災，而其用禱之祭，惟一大雩為盛。禮故因蠡致禱，即用大雩之禮，以明其盛，乃亦即蒙大雩之名，而不嫌其同耳。勿泥定禱雨濟旱說。

蠡

管見程子及鄭氏熊，並以蠡為蝗，是已。按小雅稱螟蛉，蠡賊螟，本一物，辨見前。蠡賊亦一物耳，即此所謂蠡也。詩注謂蠡食苗根，賊食苗節。蠡賊之賊，不從蟲，何以知其主食苗節，亦與食根之蠡同為蟲類，而相率害苗也哉。蓋蠡

本為蝗亦別名蝥賊。月令孟夏行春令則蝗蟲為災。仲冬行春令則蝗蟲為敗。蝗蝥類。春秋書蝥者十。又書蠋者一。蠋即蝥之始生者皆蝗也。蝗虫一生九十九子。既成能飛。蔽天其害稼所至一空。不以為蝥賊而蝥賊將安歸耶。且證之他詩如降此蝥賊及蝥賊內訌蝥賊蝥疾或正言或借喻無兼及螟螣者亦以蝥賊為蝗害稼莫甚於此耳。茲桓公之五年秋禾實方盛而蝥害之初時皆不加省及其甚而滿野遂集如風雨然乃不得已而用大雩以弭之。夫大雩享帝必配以田祖。故小雅甫田曰琴瑟擊鼓以御田祖以祈甘雨而大田又曰去其螟螣及其蝥賊無害我田穰田祖有神秉畀炎火然則用大雩以弭蟲災亦非無本也。但春秋先書大雩後仍書蝥則公雖有事於大雩而蝥亦不因以減亦具見矣。

冬州公如曹

管見趙氏。飛曰。州公。王臣也。天子之三公。稱公。州邑。即河內州縣。其初。蓋蘇忿生。采地。至是。為州公。食邑耳。左氏乃以為淳于公。淳于公。則杞公也。淳于。隸今密州。杞後遷於淳于。世或以地稱之。如東桓公之類是也。左氏不知。遂以淳于公為州公。非是。按州公為周之三公。何為外出如曹。而其後遂不復哉。蓋以罪于王而逃死。故爾。是年秋。蔡人衛人陳人從王伐鄭。鄭伯禦之。王為中軍。號公。林父將右軍。蔡人衛人屬焉。周公黑肩將左軍。陳人屬焉。於時州公與號公周公並為三公。是必當佐王於中軍者。惟王為中軍主。則州公不得與。左右軍之號公周公並以名見也。及鄭師旂動而鼓。蔡衛陳皆奔。王卒亂。鄭師合以攻之。州公不知所為。遂棄王而與蔡衛陳以俱奔矣。自是王卒大敗。祝聃射王中。有且請從之。其危已甚。王既免而入。惡得。不明罰於州公耶。從可知州公之如曹而不復。其為獲罪於王以逃死。有斷然者。但州公不言奔而言如。亦以既出。王都則侯國。非王命所得行。可無事於倉皇就道也。嗟。

乎。以王之三公從軍。法當斷戮於社。而罪人不得保於諸侯。則天下之無王。又豈徒以不能勤王而敵王。愾也哉。

六年

春正月寔來

管見五年冬。州公如曹。寔即其名也。六年春正月。又舍曹而來魯。蓋曹以州公為王朝大臣。干軍律。當誅而通匿之法。與同罪。以故州公如曹而曹不容。乃來如魯耳。當其如曹。仍目之為州公。羞其赫赫師保而踪蹟之不堪對人。乃至此。從衆口之非議也。及至魯而削其爵邑。直斥其名曰寔。來則如負之斧鉞。以徇於國中。指為天子所欲拘執者。即屬是人。從王法之戮辱也。

夏四月公會紀侯于郕

管見紀本子爵至隱之二年而加爵為伯故以紀子伯稱焉至是桓之六年復以加爵而稱紀侯者殆由紀朝於周而請以其女納於後宮王許之乃遂加爵為侯耳觀下八年冬祭公來遂逆王后于紀九年春紀季姜歸於京師亦足證已紀在魯東邾在魯西紀侯自朝周而還道出於邾公特往逆紀侯而因以會之於邾也紀侯至邾必將過魯而後至紀公之不待其過魯而急欲會于邾者蓋紀之病於齊思納女於王以託其國必魯桓之謀居多隱公二年伯姬歸于紀則所納之季姜必為伯姬之女故魯得主之至是王許納女而加其爵曰紀侯公幸其謀之成亦不禁其會之迫矣至於公會紀侯而獨於邾會之其意尤以邾之國微有如紀在邾侯亦當合志於魯以先備齊也何以言之紀在魯東亦在齊東邾在魯西亦在齊西齊侯嘗與鄭伯特如紀其為國紀必矣邾當齊鄭往來之衝齊侯屢經親歷豈得不圖有以并邾哉邾亦病於齊則亦當各謀所以備齊者即以魯論通年以夏城祝邱是與紀之道通

可按視也。何爲爲此乎。昔年以夏城卽是。又與卹之。通通。可。按。視。也。何。爲。爲。此。乎。凡。皆。以。齊。不。可。信。未。敢。恃。新。有。婚。媾。而。永。無。冠。心。故。無。思。患。而。豫。防。之。有。如。此。然。則。令。之。公。會。紀。侯。于。卹。而。卹。以。會。卹。侯。者。豈。得。悉。出。其。情。以。相。示。而。相。易。矣。何。嫌。之。有。

秋八月壬午大閱

晉見周禮仲冬教大閱。此若其時。然秋八月壬午。則非時矣。與前四年春正月之狩于卽同。譏何爲而爲此。穀梁傳曰。蓋以觀婦人也。此爲得其情者。按傳詞所稱婦人。必以夫人姜氏爲主。大閱之禮。集車徒甚盛。公觀之以肅戎行。夫人與觀之。則以等戲。劇理不當。然而事則必有前之狩于卽。公以夫人從此。姜氏始入未久。可以遠出。及是既孕。將生子。而復欲使夫人與觀大閱。孔疏謂此不吉也者。蓋在國簡閱。不必田獵。其說是矣。但夫人姜氏以九月丁卯

同生而公先於秋八月壬午大閱若恐其後時者抑或有所取義禮記內則云國若世子生三日卜士負之射人以桑弧蓬矢六射天地四方明男子所有事也用桑蓬者本太古易傳曰弦木為弧剡木為矢弧矢之利以威天下大閱示威公之意殆欲使夫人觀之即得借為生世子之兆而有事於天地四方也與

蔡人殺陳佗

管見余氏賢曰州吁死于陳而書衛人殺陳佗死于蔡而不書陳人殺者何哉蓋書衛人者嘉其臣之忠也不書陳人者著其臣之罪也此論極新截按蔡人殺陳佗公羊以為淫殺梁以為獵不獵不出此獵必淫二者蓋皆有之陳佗篡立踰年不聞陳人有異遂敢以獵出亦恃其有衛耳陳厲公出自蔡使蔡人於其邊境縱之禽以誘佗佗逐之入蔡罷獵又使美婦人睨就以縱其淫於是蔡人不得殺佗丁其獵必得殺佗于其淫矣公穀度爾時之情事如此

殆為確論。不然。佗。蔡之。陳曰。陳佗。蔡人。欲伸義討。何緣得陳佗而加之刃哉。

九月丁卯子同生

管見孔氏穎達曰。杜云。十二公。惟子同是適夫人之長子。又云。文公。哀公。其母並無明文。未知其母是適與否。蓋其父未為君之前已生。縱令是適。亦不書也。按哀公之母定姒。於定公十五年秋七月。書姒氏卒。不書夫人。薨。九月。書葬定姒。不書葬。我小君。則其為定公之妻無疑。非若文公之母為聲姜。固絕無可辨也。再按姒氏從定公之謚。稱定姒。猶不若前隱公之元年。稱惠公。仲子者。惠公自惠公。仲子。自仲子。而其辨甚嚴。是定姒之稱。於禮亦僭。又況成風敬嬴之致夫人。竟忘其為妾母耶。若夫君之有子。其必辨其是嫡而非庶者。惟此年一書九月丁卯子同生而已。而其關係於魯為最大。何則。桓之夫人未入。已有庶子。慶父至。是子同生。而其後立為莊公。慶父長而強。且專兵柄。歷

莊公三十一年。不敢動。及莊公病。同後於叔牙。叔牙以慶父對。由是殺莊公太子般。又弑莊公子閔公。惟季友為莊公母弟。卒誅慶父而立僖公。亦莊公子。凡皆繫之於此九月。丁卯。子同生也。其書法之正。名於始足為魯防其罪。后匹嫡之亂者。豈淺鮮哉。

冬紀侯來朝

管見夏公會紀侯于郕。是公之往會也。及冬而紀侯來朝。徒欲答其往會之勤耳。無他意。左氏謂為詔謀齊難。將因魯以請王命而求成于齊。殆未必然。蓋其時王許紀侯納女。而季姜尚未歸于京師。為王后也。乃遽謀紓齊難。以請王命。有是事乎。

七年

春二月己亥焚咸丘

管見公穀皆以咸丘為邾邑。某氏夢得趙氏鵬飛皆以咸丘為魯邑。據此合參。蓋先本邾邑而後取以爲魯邑耳。魯之有咸丘當在春秋之前。自隱公與邾儀父盟于蔑。修好十一年而及桓公。桓公立七年未聞有所以結邾者。於是邾以咸丘本其舊邑乃渝盟而使其徒侵之。其來爲寇賊之狀。先縱火以威咸丘居民使之望而駭走。因乘亂以攫其所有。故但相驚於七年春二月己亥焚咸丘云爾。經遂如其乍見之情以書之。幾若不知焚之者之爲誰矣。已而皆以邾告。從可知明年秋魯有伐邾之役。其釁實啟於此。記者多以焚咸丘爲火田。咸丘所在其果前爲魯之獵地耶。且凡獵地必禁火。火田雖見於禮記爾雅。而或泥此以爲焚林而田。使之—炷而焦土也。傷哉誤矣。

夏穀伯綏來朝鄧侯吾離來朝

管見穀在今湖廣襄陽府穀城縣治。鄧為義陽鄧縣。今襄陽府東北二十里。有鄧城。二國南北相距。穀在南而過於楚。孔既穀不知其姓。亦未聞誰實滅之。按楚武王熊通十九年。入春秋。僖公於桓之六年。則知穀伯以七年失國。出奔。是即滅於楚武王矣。穀伯出奔鄧。楚追之。必奮伐鄧。將入焉。於是穀伯急。復舍鄧而走。鄧侯亦即懼而從之。不能自禁也。穀伯失國當名。故書曰穀伯綏。世本鄧為曼姓。楚文王滅之。是時鄧未遂滅。而齊然輕棄其國。以從失國之君。則亦猶夫失國之當名矣。故聯書曰鄧侯吾離耳。其卒至於魯者。趙氏鵬飛以為自鄧而越然許陳曹諸國皆憚楚而不見容。惟魯遠於楚而容之。揣其情勢。當必有然者。惟計穀伯綏之來。猶建新滅國也。鄧侯吾離之俱來。猶是未及滅國也。魯君皆以朝禮見之。故兩書曰來朝。亦以詳其出奔云爾。至此下不書秋冬之首月。據左傳推之。亦借以若王室之微。不克奉天伐罪。以應時耳。與桓之十八年中。凡春不書王者。其意略同。傳稱七年秋。鄭人齊人衛人

伐。正。向。盟。讀。孟。本。周。畿。之。二。邑。先。由。王。以。興。鄭。而。求。成。盟。
向。之。民。不。欲。從。鄭。故。既。而。背。之。而。鄭。遂。以。齊。衛。伐。盟。向。王。
不。得。已。乃。還。其。民。於。鄭。而。以。地。歸。鄭。討。鄭。伯。無。王。之。罪。當。
其。戰。於。繡。葛。此。春。秋。第。一。大。變。也。爾。時。衛。人。從。王。而。奔。齊。
人。則。更。若。罔。聞。知。矣。及。是。鄭。罪。未。討。而。齊。人。獨。勤。於。鄭。衛。
人。反。忠。於。鄭。乃。相。與。伐。取。王。之。盟。向。二。邑。絕。無。所。顧。忌。焉。
皆。王。法。所。不。容。有。必。誅。者。而。王。無。如。何。自。秋。而。冬。傳。又。稱。
曲。沃。伯。誘。晉。小。子。侯。殺。之。考。春。秋。以。前。當。魯。惠。公。之。二十。
四。年。晉。昭。侯。封。桓。叔。成。師。於。曲。沃。及。三。十。年。晉。潘。父。弑。昭。
侯。而。納。桓。叔。不。克。晉。人。立。孝。侯。四。十。五。年。曲。沃。莊。伯。伐。翼。
殺。孝。侯。翼。人。立。其。弟。鄂。侯。入。春。秋。鄂。侯。生。哀。侯。桓。三。年。曲。
沃。武。公。伐。翼。逐。翼。侯。於。汾。隰。夜。獲。之。殺。小。子。侯。繼。立。又。復。
以。此。年。冬。誘。而。殺。之。彼。曲。沃。之。以。都。謀。國。累。世。行。惡。至。武。
公。而。賊。殺。兩。君。一。皆。王。法。所。不。容。有。必。誅。者。而。王。亦。無。如。
何。禮。記。月。令。云。孟。秋。之。月。天。子。乃。命。將。帥。選。士。厲。兵。簡。練。
衆。俊。專。任。有。功。以。征。不。義。亦。謂。王。者。奉。天。賞。以。春。夏。必。刑。

以秋。冬。故當天。地。始肅。而。揭。言。之。今。諸。侯。之。不。義。恐。行。於。秋。亦。接。踵。於。冬。而。王。弗。克。征。是。使。天。有。春。夏。之。生。長。免。無。秋。冬。之。肅。殺。矣。以。此。而。經。文。不。書。二。時。之。首。月。使。讀。者。求。其。故。而。不。得。將。旁。徵。於。史。傳。之。紀。事。有。正。當。此。二。時。者。按。之。而。其。義。自。見。

八年

春正月己卯烝

管見四時之祭。春曰祠。陸氏佃曰。祠品物少。艾詞多也。夏曰禴。程子曰。易升九二。孚乃利用禴。又既濟九五。東鄰殺牛。不如西鄰之禴祭。禴薄祭也。禴為薄祭。則祠之為薄。不待言。秋曰嘗。冬曰烝。王氏安石曰。秋物初成。薦新曰嘗。冬物大脩。合衆以享曰烝。何氏休曰。烝衆也。氣盛貌。冬萬物畢成。所薦衆多。芬芳備具。故曰烝。然則祭莫盛於烝。雖秋。

嘗亦遜之矣。此桓公之八年春正月己卯。本有事於春之祠也。而公則極意求豐。視秋嘗而有加焉。故不書春正月己卯祠。而書春正月己卯烝。護其春享而失祠之義。云爾。至於夏五月丁丑。本有事於夏之禴也。而公亦極意求豐。視秋嘗而有加焉。故不書夏五月丁丑禴。而書夏五月丁丑烝。又護其夏享而失禴之義。云爾。公何為而為此。其殆以六年九月丁卯子同生。自後。邀靈廟事。事修陳及茲而。遂無以加與。

工使家父來聘

見此書天王使家父來聘。趙氏鵬飛以為使魯主婚而紀女是矣。但來聘為納幣。非始議婚也。觀下書祭公來遂。逆王后於紀。可見夫來聘為納幣。不於紀而於魯者。王將以季姜為后。季姜本魯伯姬之女。乃獨命魯主婚。以為季姜增重。不至以紀之小國為嫌耳。以故逆王后季姜之先。使家父以聘納幣。獨來至於魯而已。不至紀也。故書曰。

天王使家

父來聘。

夏五月丁丑烝

秋伐邾

管見八年秋之伐邾。報七年春正月之焚咸邱也。然前不著其焚之之由。此亦不白其伐之之故。則皆欲出其不意攻其無備而然。故春秋惟各肖其隱情以書之耳。突之魯所伐者為邾。則思魯邑之有成邱舊本邾邑。而其焚咸邱之必出於邾。可推見矣。

冬十月雨雪

管見冬十月之中氣為小雪。此而應候雨雪矣。則後之仲冬季冬。不卜可知。書者為其足以病蟲之遺種耳。蟲即蝗。

之別稱。一生九十九子。既害稼。則育卵於土中。得氣復滋。惟雪以雁之。乃使入地深而不得出。桓自五年秋。螽時雖大雩。以祈田祖。卒莫望其秉昇。災火也。及茲八年冬。十月雨雪不至。失時而行。春令將循是而寒凍閉塞。庶幾為殄殄其餘。孽也。大。

祭公來遂逆王后于紀

〔管見〕春正月。家父來聘。為季姜制幣於魯。不至。紀。及茲冬十月。祭公來。亦來於魯。則其逆王后者。猶是逆之於魯。而不。至。紀。也。蓋王命魯主婚。季姜先期而入於魯。及祭公來。逆王后於魯。即是。逆王后於紀。故以遂稱。遂與俗言剪截者近似。或疑兩事相因。亦用遂字。以此而謂祭公來魯。遂自魯而逆王后於紀。不亦可乎。曰。不然。蓋季姜在紀。止。稱女。祭公至紀。亦止。稱如紀。逆女耳。何緣遽正其名為王后哉。惟季姜入于魯。而祭公逆之於魯。則魯當奉之為王后。

不得稱女祭公之逆之亦曰逆王后不得稱逆女也然逆王后季姜于魯而仍必繫王后于紀者亦明其非魯女而為王后云爾不得泥看

九年

春紀季姜歸于京師

管見書曰紀季姜則紀女而姜姓也由王命魯主婚於是家父之來聘聘于魯祭公之來逆逆于魯不幾忘其為紀季姜耶王納季姜而輕紀魯嫁季姜而外紀故亦不書至自紀以大白王后所從來但書歸于京師以盛誇季姜為得地耳皆隱以示譏也

夏四月

秋七日

管見二時皆無事而聯書首月者此為初見

冬曹伯使其世子射姑來朝

管見僖公五年春杞伯姬來朝其子伯姬為魯女其子幼弱而隨母以面其外祖亦稱曰朝則曹世子射姑雖未為諸侯而以其來為來朝復何嫌乎且杞伯姬之朝其子也吳氏澂曰昔曹伯有疾遣其世子射姑來朝此杞惠公疑亦有疾故伯姬以其子為魯甥因挾之至魯以朝於公耳是年杞惠公卒成公嗣立蓋伯姬欲託其子於魯也據此推之曹世子射姑之來朝其亦有因疾而豫託其子於魯之意與魯與曹同姓而地相鄰天下以為有道之國觀後齊仲孫言猶秉周禮晉韓起亦有周禮盡在魯大概可知禮為國本無禮必無以立又舍魯莫可言禮然則曹伯

之託其世子射姑於魯其軌于正大以爲繼世之謀者吳超加于人一等也哉

十年

春王正月

庚申曹伯終生卒

管見曹伯終生在位五十五年其前不暇詳考入春秋以來。歷隱公十一年。所以桓公十年。曹未嘗被兵。且未嘗以兵伐人。國及以兵從人而伐人。固大抵以禮自守。不與諸侯要結。雖值會盟朝聘他國多有而曹無一與者。惟謹守侯度。修其職貢于王而止。故其時天下無王。鄭莊為梁賜齊僖衛宣為之從。餘亦未有得免于無王之罪者。而曹伯終生獨能不干王誅。脫然保其首領以沒。又適當數廢更始。為十年之春正月。以故春秋自桓三年始不書王。後歷

因之及茲十年而復特書春王正月欲見天下無王之時其不至無王者惟曹伯終生一人焉已矣

夏五月葬曹桓公

管見湛氏若水曰若葬之得禮也禮諸侯五月而葬按葬之得禮此嗣君之所為九年冬曹伯使其世子射姑來朝殆自度其有疾將死必圖可繼乃使世子如魯以諸謀周禮亦旁及遺喪之大故與左傳謂曹太子來朝魯享之初獻樂奏而嘆施父曰曹太子其有憂乎當時之情蓋如此

秋公會衛侯于桃丘弗遇

管見桃丘杜注衛地濟北東阿縣東南有桃城今山東東阿府東阿縣西五十里有桃城舖旁有一邱高可數仞即桃丘也季氏本曰衛與齊黨而齊以紀故與魯為盟桃丘之會必魯聞衛侯適齊期戰故往會之以間齊也而衛中

他道過矣。故曰弗遇。若期而背約。則當言弗至。安得以弗遇言哉。據此說。無以易。

冬十有二月丙午齊侯衛侯鄭伯來戰于

郎

〔序〕見季氏本曰。齊欲吞紀。與衛鄭合。魯則專意援紀者也。三國來戰。蓋為此爾。考魯以援紀之故。與齊不親。自齊鄭如紀之後。與魯不相通。己六年矣。何由至齊而得次其旌。諸侯之班。耶。卓氏爾康曰。齊惡魯為紀謀難。則主兵者齊也。鄭固與齊同。如紀者。衛又與齊背。命于蒲者。故三國來戰。按二說。據經解經。當從之。其獨言來戰于郎者。謂齊侯衛侯鄭伯厚集其勢。以來其志。皆主于戰也。而魯不與戰。惟是據郎之城以堅守之耳。自隱公九年夏城郎。其固可恃。度三國能用不能破。必至。至老。師若舍郎城而深入魯境。或遇勅敵在前。郎之戰卒復乘機而躡其後。又將慮於腹。

背受敵而莫敢輕動也。其能久淹於此乎。已而果還。於是但書冬十有二月丙午。齊侯衛侯鄭伯來戰于郎而已。來戰者何。嘗得戰來戰于郎者何。嘗竟敗魯于郎也。哉。按郎之師與下惡曹之盟皆宜加貶。乃盟則並稱人而來戰不則其爵者欲明其非將卑師少之謂。

十有一年

春正月齊人衛人鄭人盟于惡曹

管見自桓之三年夏齊侯衛侯胥命於蒲此相與稱霸也於時不欲約鄭及五年夏齊侯與鄭伯如紀其圖紀決矣而魯力為紀謀至於納季姜為王后則是託其圖于周也齊不知有王能不逞忿于魯乎故十年冬之來戰于郎齊侯主兵期衛侯而衛侯來再期鄭伯而鄭伯亦來皆有志於戰者已而未遂克郎其再舉當共謀之於是十有一年

齊止月齊侯以衛侯及鄭伯之來戰于郎者復為盟於惡曹也夫齊衛早相結鄭亦襄事於齊何所用盟哉蓋前以齊命于蒲約衛稱霸茲之盟于惡曹則並約鄭稱霸耳自是而侯伯之不命于王獨由強國之私相命者凡二矣春秋乃並削其本爵以示無王之誅也書曰齊人衛人鄭人盟于惡曹杜注惡曹地闕。

夏五月癸未鄭伯寤生卒

管見諸侯無王者以鄭伯寤生為最至是以夏五月癸未卒書之以見王誅之未得加耳有疾恨之意寓焉。

秋七月葬鄭莊公

管見季氏本曰卒踰兩月而葬速也太不懷也其故為何必慮有爭焉耳按鄭莊之子突最強當其在喪次也世子忽雖既立而為喪主必懷戒心此殆自速葬之由來與然凡諸侯之卒無不葬者而此書葬鄭莊公意其快其將葬

直如俗之咒人以該死該埋云爾。凡諸侯之卒而葬亦有出于速葬者。而此書秋七月葬鄭莊公。意復惟恐其不速葬。直如俗之咒人以即死即埋云爾。苟有。人心夫孰不惡其無王之已甚哉。

九月宋人執鄭祭仲

晉見莊公在位四十三年寵任祭足常字之而不名鄭風刺莊公而托為公語祭足之言凡三稱將仲子今口吻畢肖乃詩稱仲子而春秋亦書祭仲以指其字者明其為朱君所未嘗名顯赫無與比則後嗣之惟所廢置其勢則然故宋人執祭仲遂使哭歸于鄭鄭忽出奔衛亦以非夫人之力不及此

突歸于鄭

管見季氏本曰宋人執祭仲哭歸于鄭則突自宋歸可知文省而義自備

鄭忽出奔衛

管見。天主宋而歸于鄭。篡國也。篡國當名。忽有鄭而出奔衛。失國也。失國亦當名。凡皆祭仲之為之者。今觀隱之元年。書鄭伯克段于鄆。據左傳所紀。其發難亦由祭仲。非異人也。初事鄭伯。以使兄克其弟。繼事鄭伯之子。復使弟篡其兄。既比無良。滋費骨內。其遺禍豈易息哉。

柔會宋公陳侯蔡叔盟于折

管見。桓公時。惟公子翬寵冠于朝。自三年如齊逆女之後。遂不復見。蓋夫人姜氏入未久。而翬放卒。其子繼為大夫。復專政。殆即此所稱為柔者。與。凡公子之子稱公孫。此削其公孫而但曰柔。從其父輩之例也。呂氏大圭曰。以大夫與諸侯盟。不待貶絕而自見。故內大夫帥師。自無駭始。內大夫與諸侯盟。自柔始。李氏康曰。案陸氏例。諸侯兄弟以

國連字者有蔡叔許叔蔡季紀季皆國而字之言與君一體也是以蔡叔為蔡侯之弟矣而叔梁杜氏皆以為蔡大夫未命故名而不氏此未可知恐陸氏是季氏本曰宋莊弑立本倚鄭莊然得國以來為鄭所抑諸侯會盟不得與焉其積怨久矣故鄭莊卒即挾哭以亂鄭將謂哭立必助已也而鄭之羣臣猶足拒宋哭為衆議所迫即絕宋交宋莊不得志於鄭故合三國以為盟蓋齊鄭為黨宋得魯則齊兵不敢擬其後而宋可專意向鄭耳此折之盟所以為宋公志與按前二年三月公會齊侯陳侯鄭伯于稷以成宋亂宋莊於四月賂魯以郕鼎齊陳鄭皆有賂則其志重在賂矣及十一年而納鄭厲公傳稱誘祭仲執之曰不立哭一死亦執厲公而求賂焉則鄭哭之於宋莊已心鄙之及哭歸于鄭宋必責賂而突不與賂遂絕宋蓋以執祭仲借其力而其歸於鄭而得立則由祭仲不由宋也且祭仲於宋宋公特以雍氏宗之有寵而出此謀耳厲公於雍氏女宋莊實其母家又何所嫌而不與絕哉鄭

宋乃合三國為盟以謀伐鄭然魯公不至而以大夫孫至
蔡侯不來而以其弟蔡叔來所與盟者陳侯而已其盟固
可深恃也耶
折杜注地闕

公會宋公于夫鍾

晉見宋公之盟于折魯公與蔡侯皆不親與盟豈得謂此
盟必信哉雖蔡侯或可諒其無他終不得不與魯侯剋而
以重結之者以故宋公期于夫鍾會公而公亦會宋公于
夫鍾也其會之意與其先盟之意一皆主于親魯而即因
以共營鄭耳然公則以為不宜營鄭當與鄭平且以平宋
鄭之事自任但姑待之將必有成也由是宋公於此亦不
能固信公以從其欲乃還夫鍾杜注鄭地今在山東
兗州府寧陽縣盛鄉城春秋鄭國其北有夫鍾里

冬十有二月公會宋公于闕

管見會于大鍾。猶是郕邑也。至是近就魯已以期于關。則會公之念益勤矣。于時公出會之。宋公當謂將平宋鄭。公意甚善。其如宋鄭之必不可平。何。譬者莫解其為譬。欲盟不得。親者無失其為親。求盟正殷也。而公亦獨會之於關。則已。又當謂神不宜賁。誓不可二。方柔之。自折來。正冀戰書猶濕。口血未乾。恃此永以為好可也。豈不謂尋盟者亦寒盟哉。惟他時能卒平宋鄭。則其所深願耳。由是宋公于此復不能強。時公以邀其聽。乃又還關。杜注。魯地。東平瀕。上縣。西有開亭。在南旺湖中。

十有二年

春正月

管見春無事而書首月。於此十有二年始見要以明周之改元。初未嘗以冬為春。以十有一月為正月也。

夏六月壬寅公會杞侯莒子盟于曲池

〔釋見〕此杞在今山東青州府境。其封在商以前。本于簡。周時所封之杞。以備三恪。特稱杞侯。而此復通稱者。欲以別於莒子。而表其為夏後耳。莒在今莒州。有地險。國小而強。隱二年。紀子伯莒子盟于密。及四年。而莒人伐杞。取牟婁。杞之弊。莒久矣。至是當桓之十有二年。公意欲平杞。莒乃遂于夏六月壬寅。會杞侯莒子以盟于曲池。使之釋怨而修好也。但曲池所在。杜注。魯地。魯國汶陽縣有曲水亭。今在曲阜縣東北四十里。源出石門山。此屬魯都之近境。杞在魯東北。遠莒在魯東。亦遠。何緣得坐致杞侯。莒子于魯。乃出會之。而盟于曲阜東北之曲池哉。按公之為此會。且盟者。非為杞莒也。為紀而已。齊欲圖紀。紀與杞莒壤相接。則曲池當是紀地。公往會杞侯莒子。而與之盟于紀之曲池。則紀得與盟。而杞莒亦將出其力以援紀也。夫魯之為紀謀。既得以季妻為王后。託國于周。又復為之借助于杞。

侯莒子會之而過盟之于曲池而成似有所恃以無恐矣然至莊之四年而紀侯大去其國何以卒不免與

秋七月丁亥公會宋公燕人盟于穀丘

管見燕本召公與舊封其後裔或分地而君之如晉與曲沃之比也至魯昭公三年書北燕伯款出奔齊則此燕人者當共號為南燕矣然燕之自來非二國則謂之燕而止欲以明其本非有土之君特自燕而割據之耳又北燕稱伯必其正朔之通傳所及故得蒙其始封之爵而書之若彼裂燕為北而偏處其南啟土不由封錫惡得有其爵哉渠而人之固宜燕人初未通于諸侯何以頓言公與宋公及燕人盟也當桓之十有二年燕人殆與北燕伯有隙思假外交以壯聲援乃出而求結好于宋公與於是燕人來乞盟宋公欣然主盟且使人于魯請公舉王趾以益盟故其秋七月丁亥公會宋公燕人盟于穀丘也穀丘杜注宋地今在山東兗州府曹州北三十里與魯近其訂盟地于

此為公
故也

八月壬辰陳侯躍卒

管見陳侯躍卒。書卒不書葬。以魯之不會葬也。魯何怒于陳哉。按魯桓之五年。陳人從王伐鄭。鄭必擊之。及厲公躍立六年。值鄭笑固宋人以歸于鄭。既立而絕宋公。宋公將謀伐鄭。有折之盟於時。魯不親與。而陳侯獨往。則尤鄭之所深讐者。乃踰年而至八月壬辰。陳侯躍卒。鄭之不會葬決矣。鄭不會而魯亦不會。於意云何。據其先年避折之。推之魯殆私於鄭而不敢。恤陳侯以親鄭之讐與。

公會宋公于虛

冬十有一月公會宋公于龜

〔管見〕杜注。虛宋地。龜宋地。疑皆在睢州境。黃氏正憲曰。築折闕夫鍾之會。是宋欲親魯伐鄭。故數會於魯地。宋為主也。此虛龜之會。是魯欲平宋。鄭宋不受平。故數會於宋魯為主也。其分辨極清。但周時桓公之意。實私於鄭。而仍不欲顯背宋耳。故獨以平宋鄭為辭。則前得曲避宋公之盟于折後。亦得直赴鄭伯之盟于武父也。去年秋九月公會宋公于夫鍾。冬十有二月公會宋公于闕。是宋之來會者一。至再矣。公卒不與宋公更成折之盟也。惟曰將平宋鄭。及此年秋八月公會宋公于虛。言平宋鄭也。而宋不受平。公乃還。已而冬十有一月公會宋公于龜。仍言平宋鄭也。而宋卒不受平。公又還。夫公之於宋公。豈不稔知其必不受平哉。惟是宋一再來于夫鍾于闕。魯亦一再往于虛于龜。以為足備以報宋公而止。於是未踰月而值其日丙戌。公及鄭伯盟于武父。

丙戌公會鄭伯盟于武父

晉見宋公為折之盟。欲親魯以伐鄭也。公避之。鄭伯為武父之盟。欲合魯以伐宋也。公赴之。其私鄭而背宋之隱情畢見。十一年。突歸于鄭。書名。此改書鄭伯者。既踰年改元。則成其為君矣。不生名也。武父。杜注。鄭地。陳留濟陽縣東北有武父城。水經注。濟陽縣故武父城也。今在直隸大名府東明縣西南。與河南開封府開陽接界。

丙戌衛侯晉卒

晉見卒。人之終也。兩事同日而重書丙戌者。死以謚終而不得從省耳。且春秋褒善貶惡。蓋棺論定之時。其死日尤不可因他事以概舉之也。衛侯晉在位十九年。自隱公四年冬十有二月。書衛人立晉。既生名之以示貶。則此書衛侯晉卒。只重讀晉字。則令其生與死以指目之。其名當遺臭無已時也。與凡諸侯不生名死則名之之常例不同。

十有二月及鄭師伐宋丁未戰于宋

管見盟于武父之後遂書十有二及鄭師伐宋則公以帥師以會之故稱及焉至其連書丁未戰于宋但以戰言不云有敗績者則死傷相等無可差別耳夫公每言欲平宋鄭在宋公之耳聲猶未寂乃頓反其所言毅然以師會鄭師伐宋至于郊陽為和事實主與戎此時何以對宋公乎及其伐宋而戰鄭以為魯得濟師軍聲益壯必將大克宋也卒以一戰而還皆無功勢振先登後纓自救此時又何可以對鄭伯乎故深為公恥之以為當諱也乃不書公

十有三年

春二月公會紀侯鄭伯己巳及齊侯宋公衛侯燕人戰齊師宋師衛師燕師敗績

管見合傳說參之公會紀侯鄭伯為齊欲滅紀公援之而並約鄭伯同假之手故以紀為主而先于鄭鄭伯笑立二

年。公數為鄭會宋。繼又同鄭伐宋。鄭屬德。魯因助魯以救紀也。公嘗會杞侯莒子盟于曲池。亦以為紀。此十有三年。春二月。杞侯莒子必在會中可知。然與紀密過。且國小。可不使與鄭伯同叙列焉。已已。記戰之日也。以是日及齊侯宋公衛侯燕人戰。禦齊之會伐紀也。紀為齊所伐削。遂欲滅之。舉宋衛燕三國之師往伐之。宋為公爵。以伐紀者。齊主兵。乃以齊先於宋耳。魯黨於鄭。以伐宋。則宋之黨於齊。以伐紀。亦所以報怨於魯鄭也。齊衛自胥命於蒲以後。凡金革之事。靡不相從。及是衛匡公卒。惠公新立。則齊侯伐紀之役。惠公雖在喪而不得不會。其戰亦其勢使然。去年秋。燕人結好於宋。為殺邱之盟。則齊之會戰而燕人遽集殆宋公為之牽率亦即欲使燕人得通於諸侯云爾。至其已已當戰於何及之。公會紀侯鄭伯以救紀。即於紀及之而已。及之而戰。又不地。紀侯主兵。以是度其戰之仍。在紀地無疑也。其稱齊侯宋公衛侯燕人。或有爵。或本無爵。皆臚舉之。是其君行矣。君行。師從。故又同稱齊師宋師衛師。

燕師也。此而合以伐紀。戰當大克。而卒以敗績者。何哉。蓋以公會紀侯救紀。而猶懼不保。至得鄭伯來而公會之。則視齊宋衛燕之師。幾同鳥合。不足固矣。於是而齊師宋師衛師燕師皆敗績。績訓功。義不了了。凡師出必以律。失律則亂。詩云。不績其麻。即俗所言亂如麻也。故敗以敗績稱焉。

三月葬衛宣公

管見家氏鉉翁曰。衛宣公未葬。而嗣子朔從諸侯及魯紀鄭以戰。敗績而歸。乃葬其親。甚矣衛朔之不仁也。春秋不書衛子。而以爵書。絕之於名教也。衛宣行罔犬彘教之行於家者可知。是不足深責。而春秋再法萬世。不容無貴也。按此書三月葬衛宣公。並有因其會葬以隱護魯桓之意。何以言之。公於是年春二月新敗衛師。而乃於三月使人會葬宣公。以禮於衛。與夫去年十一月猶會宋公。而頓於十二月。帥師從鄭伯以戰于宋。皆屬反覆無常。慣行誦詐。

其可任其自為得計已哉

夏大水

管子見魯書大水者八其七皆在秋惟此一書當其夏似乎夏大水較秋為罕見矣然禮記月令凡三言大水初稱仲春行秋令則其國大水後稱季秋行夏令則其國大水未嘗有溢詞至中間特稱孟夏行冬令則草木蚤枯後乃大水敗其城郭據是推之不可以知大水為災夏更甚于秋乎

秋七月

冬十月

管子見此二時不更戰不約盟亦不期會殆以夏大水故爾特未審其一嘗懼災拯患與否書之以備四時而已

十有四年

春正月公會鄭伯于曹

〔傳〕見公會鄭伯于曹。鄭伯之志也。此年冬十有二月。宋人以齊人蔡人衛人陳人伐鄭。為十二年之十有二月。鄭師伐宋。丁未。戰于宋。故報之也。鄭伯早度宋之必有是役。謀為先。倚因於春正月。期公于曹。以會之。而公乃以會鄭伯于曹耳。其獨會公者。前鄭伯之伐宋。戰于宋。惟魯與俱。則舍魯將安恃哉。而必期會于曹者。何也。曹介鄭魯之間。通里頗均。且鄭伯稔知曹先君桓公不務通于諸侯。以相結。及有疾。獨使世子射姑朝于魯。是曹與魯協矣。今曹伯射姑立五年。亦未嘗與他國會。則其謀備宋而期公之來會于曹。實審酌其地之可者。非漫然也。

無冰

官見詩言納冰于四之日。即此正月也。至是而無冰可納。故書無冰。被月令云。季冬行夏令。則水潦敗。國時雪不降。冰凍消。釋可知。無冰書於十四年之春。所由以無冰者。則始於十三年之冬矣。夏行冬令。則大水。冬行夏令。則無冰。陰陽偏勝。時氣錯逆。有相因而致者。通觀之可也。

夏五

鄭伯使其弟語來盟

管見凡史之闕疑。懼誤也。夏五之下。必知為月字。何所疑。而待闕乎。或以為後人傳寫脫漏。亦屬曲說。竊以夏五不月。不日。其即所謂五月五日。與月與日皆從五數。通一歲無與同者。則獨以五稱可矣。又春秋書盟。以數紀月日。則其干支。此為五月之五日。則舉數而干支可省。鄭伯之弟語。蓋同出於燕姑母弟也。母弟以親重。雖嘗命為大夫。

安事。表其貴於魯耶。何以特使其弟。鄭之大夫首祭仲而祭仲專其餘。皆祭仲之徒也。使之適他國以盟其君。則亦儼然自以為君矣。恃強跋扈。後將益不能堪。以故夏五之盟。獨其弟來。而諸大夫皆不與。鄭伯之弟來盟。魯君猶之鄭君也。禮君前臣名。因指其名曰詔。以為貶者。非是其盟自春正月之會于曹約之。及夏五而使其弟語來。亦自曹約之者。蓋鄭伯惟欲盟魯。不盟曹。可於曹通盟之意。不得即於曹舉盟之事。是足知鄭伯使其弟語來盟。其使其來既非由於新圖事而酌遣之。即其盟之月日訂以夏五。亦非其來使而來至於魯而後筮而得之也。

秋八月壬申御廩災

乙亥嘗

〔管見〕凡藉田之所收其歲之者。周曰神倉。主尊天之義。曰御廩。主親祖之義也。由禮言御食於君。內則言父設母

存家子御食皆謂侍其食以勸侑耳古之祀其先者率立尸以依神安以安其坐侑以勸其飽儀禮士特牲大夫少牢皆於尸飯告飽必拜而侑之況諸侯乎以是知祭之有侑其御食之意正同故棗盛之所藏有虞特稱御廩亦謂所以貴皇尸而饗神保者於是乎在云爾廩與倉於義可通而文有異亦借以示魯與周之別也天火曰災則非人之為之矣當此者或以為適然非慮之所及也按此書秋八月壬申御廩災乙亥嘗自壬申至乙亥中隔兩日即在嘗祭散齋七日之終致齋三日之始意者御廩之災其即桓公不謹於齋之所致與何以言之自前之八年書春正月己卯烝又書夏五月丁丑烝以其蹟於祭祀雖春祠夏禴其修陳有加於嘗而同於烝也此年之嘗殆亦禮有餘者其不敬必矣以故常齋之日飲食居處皆從欲如常禮以為祭在脩物物脩則惟出御廩所藏滫菜豐盛以薦其馨而已齋何裨乎夫不謹於齋則凡所資以祭者皆無以致其敬可知不具論即就其御廩思之雖嘗為藉百穀如

其制亦豈害冕而青紘躬乘來以如其禮哉無何而御廩
災災如焚如所藏皆為灰燼一似冥冥中特加譴怒使之
今雖有借以嘗後將無所借以烝也天道不言胡可漫
測然以人事揣其應感孰得不謂其合當有是也耶

冬十有二月丁巳齊侯祿父卒

管見桓之時他國諸侯之無王如齊侯祿父衛侯晉鄭伯
宿生共顯著者也然自桓之十一年春盟于惡曹皆貶而
稱人夏五月癸未鄭伯宿生卒十二年十一月丙戌衛侯
晉卒十四年十二月丁巳齊侯祿父卒皆保首領以沒幸
逃王誅而不知春秋之斧鉞只以春不書王之例標其罪
於卒年之首雖萬世猶得斥其死有餘辜也何其嚴哉

宋人以齊人蔡人衛人陳人伐鄭

管見伐鄭之役宋主報怨齊蔡衛陳相與黨同皆其君自
行非微者也故一例稱人以貶之或疑是時齊侯祿父卒

未莖其子在。是是非其君行。與齊非君。則三國亦非君。可知。殊未必然。趙紀子夏問三年之喪。卒哭。金革之事無辟也者。禮與。孔子曰。吾聞諸老聃曰。昔者魯公伯禽有爲焉之也。今以三年之喪。從其利者。吾弗知之也。夫至於從其利。則其不辟金革之事者。由既莖卒哭而轉思其未莖。及其初。殯何不可藉口於有爲焉之哉。去年春二月。衛侯晉未莖。衛侯朔以師從齊侯伐紀。此年冬十有二月。齊侯禚父。初。殯。齊侯諸兒以師從宋人伐鄭。春秋之初。諸侯早習是爲故常矣。惡得疑齊人之非君。而並推度蔡人衛人陳人之皆微者乎。至前書鄭伯會伐宋。即速書戰于宋。此書宋人會伐鄭。不速書戰于鄭者。鄭欲處于不可敗。不務戰以圖幸勝耳。是年春正月。公會鄭伯于曹。謀脩宋之伐鄭也。其謀之之大要。當謂宋非小弱。然以獨力敵鄭。則未能其所與。北有齊。衛。南有蔡。陳。必使乞師以藉其助。若其既集。不啻倍於鄭矣。且齊衛新敗。績於紀。其敗實咎鄭也。既有彼之共憤。以同其仇。又蔡陳先與盟于折。其盟本圖鄭。

也。復有比之比。好以去其惡。由宋人轉相糾結。以之來伐。與戰。必將不利。計惟堅守不出。以待之。容其他有侵掠。以去可也。方桓之十年。鄭伯寤生。嘗與齊侯衛侯來戰于郎。魯不與戰。而以郎之城自保。卒免於覆軍辱國。此已事之有徵者。鄭伯哭豈不聞乎。以故宋人以齊人蔡人衛人陳人伐鄭。伐之而已。未嘗見鄭之有與戰者。其伐之如何。據左傳所紀。以爲伐東郊。取牛首。蓋有之矣。若其稱焚渠門入大逵。以太宮之楅。歸爲盧門之楅。是既使國都殘破。並及宗廟摧崩。鄭之君若臣。與其士卒人民之屬。將安在耶。此殆不得泥以爲實。

十有五年

春二月天王使家父來求車

管見求車謂車失而求得之也。易卦睽之六三曰。其輿與其牛掣。其人天且劓。與以牛駕必載貨之重者。就其輿後。

為曳曳則與止。奪其牛。羽為掣掣則牛亦止。其人即與牛之。主殺之於路。有尸藉地而面。天且剝其鼻以滅形。使不可識別也。朕之時上下。平陽王法不行。國之寇賊充斥。行道苦之。其叔亦有如此者。茲桓之十有五年。春二月。天王使家父來為聘。魯來也。使行以馬。詩小雅皇華之咏。駒騏駼。駟非其誥乎。至於使有幣物資裝甚夥。召彼僕夫。謂之載之。則以車從其後矣。及魯而國乃多盜。盜竊究者如狐強暴者如兕虎。有棧之車行彼周道。遂盡掠其車之所有而去。其心初不畏天王。更何知有天王所使之家父哉。於是來聘而不獲終事。勢必使白魯君。急飭有司以嚴搜捕。加詰誅。使喪車之復得也。此之謂求車。夫家父胡為來哉。及是以車故而有馬不得行。則共詫為天王使家父來求車耳。詎得復言其來聘與。按前隱公七年冬。書天王使凡伯來聘。戎伐凡伯于楚邱。以歸。楚邱為衛地。此書天王使家父來求車。其來本為聘亦與。凡伯同也。卒之不成聘而目為求車。揆其所由求車之故。亦特以茲劫家父於魯。以騷

耳。以視楚邱衛地之事。何以異手。通觀之。以求其合於義亦順。

三月乙未天王崩

〔管見〕是年春二月。家父來至於魯。以喪車而求車。為聘也。實由天王計其常聘而使之。於時天王必無疾。及三月乙未。而天王忽崩。豈誠所謂命者。不可知。遂頓以無疾而終乎。按左傳于桓之十八年。言周公黑肩欲弑莊王而立王子克。辛伯告王。遂與王殺周公。王子克奔燕。夫桓王崩。莊王即位。周公能為王子克謀弑莊王。其先顧不欲速桓王之崩。而並弑其太子莊王。與速桓王之崩。則必陰謀弑之。而其迹不顯。白人。但以為天王崩耳。惟春秋比事而書。明乎二月天王使家父于魯。三月而天王崩于周。使人疑其崩之速。以究其崩之由。通核王朝之臣。後之謀弑莊王者。為私於王子克之周公已矣。至於莊王之得立。由辛伯實翼戴之。不

然幾何不早從
桓王以崩也哉。

夏四月己巳葬齊僖公

管見桓自三年娶齊僖公女文姜。至十年而有郎之會師。
齊侯來與魯戰。十三年。又有紀之會師。魯侯出與齊戰。是
二國者。不既以姁姻為敵。譬哉。值去年冬十有二月。己巳。
齊侯祿父卒。踰年而及夏四月。己巳葬齊僖公。是魯復如
禮以會其妻矣。窺其意。殆欲仍結好於姻君。襄公耳。然襄
公有淫惡。為太子時。已與女弟文姜亂。非復人類。齊道一
通。竊恐夫人姜氏之知齊將有不可以終止者。

五月鄭伯突出奔蔡

管見鄭伯已成為君。為忌祭仲專。使雍糾殺之。弗克。反。蔡
雍糾。鄭伯懼。乃出奔蔡。出奔則失國。失國則名。故稱鄭伯。

笑也。

鄭世子忽復歸于鄭

管見蘇氏轍曰。忽嘗為君矣。其出也。稱鄭忽。其復歸也。稱鄭世子忽。何也。於其出言。其不能君也。其復歸言。其所以反國者。獨世子也。舍是無足以歸者矣。程子曰。稱世子本當立者。不能保其國故。不稱爵。按二說得經文本旨。蓋鄭莊之舊臣。一皆窮極凶惡。苟非厲公。則鄭之後嗣將絕。而國非其有矣。故春秋不嫌抑忽以伸笑也。

許叔入于許

管見許叔以國繫之而不名者。賢其臨難有守。非如許莊公之奔衛。以國苟免也。自隱公十一年。公及齊侯鄭伯入許。齊侯以許與鄭。鄭以許大夫百里奉許叔居許東偏。其西偏則鄭公孫獲居之。已裂許為二。其都城必屬西偏。許

叔不得入也。而茲乃書入於許者，昔鄭莊命公孫獲曰：「凡而殺用財賄無實于許，我死，乃亟去之。」夫許太岳之允也，天而既厭周德矣，吾其能與許爭乎？及桓之十一年五月，鄭伯寤生卒，世子忽立。九月，宋人執鄭祭仲，笑歸于鄭。鄭忽出奔衛，厲公笑篡立。四年，當今桓之十五年，夏五月，鄭伯突出奔蔡，鄭世子忽復辟于鄭。兄弟爭國，更出更入，鄭之亂甚矣。其能復顧許哉？是時，公孫獲當亟去，以為是先君莊公之所命也。於是許叔得自東偏而入于許，即得居都城，以並控其西偏矣。故書曰：「許叔入于許。」夫許叔者，即後所稱許男新臣也。入許之時，不聞迂前莊公于衛，知莊公固已卒於衛矣。惟因其失國出奔，不赴於諸侯，諸侯亦不會葬，故不見於春秋耳。然則許之復國，微許叔之力不及此。此而以國繫之曰「許叔」，其賢於莊公者為何如哉？且自是以往，繼莊公而立為君者在位四十二年，絕未見其與無王之諸侯相比。附，獨至齊桓創霸，以莊之十六年同盟于幽，許男與焉。又僖之四年，齊桓會伐楚，次于陘，許男再

與焉。尋卒其賢之本。末具見則許叔之字而不名宜矣。後非當其既卒。有諸侯死則名之之禮。春秋亦惡得直書許男新臣也耶。

公會齊侯于艾

管見高氏曰。魯嘗與齊絕矣。自僖公卒。襄公新立。至是復通好焉。彭生之禍兆於此矣。故春秋志之以齊侯為主。按此說似深曲。而實切中當時情事。宜從之。艾地見前隱之六年。公會齊侯盟于艾。

邾人牟人葛人來朝

管見董氏仲舒曰。為天王崩而相朝故貶是也。此年三月乙未。天王崩。則凡諸侯相朝及小國朝大國之禮。當為有至尊之喪。不得行。無何桓之時。大國諸侯皆無王。其微國之君如邾牟葛者。亦復不知有王而惟知有大國。於是來

朝不異於其常時。故一例貶而人之曰。邾人牟人莒人來朝。夫邾牟莒之君。犯禮來朝。其有罪當貶斥。為人而已。極若魯侯本周室懿親。天下以為有道而資其禮。乃至居王之大喪。而泰然受三國之朝。同時旅見。是又當重貶也。核其罪。尚可言哉。邾在今山東兗州府鄒縣。此邾人。即邾儀父。隱公嘗與盟矣。由桓之七年。邾渝盟侵魯而焚成邱。其秋公伐邾。則好絕。至是而忽來朝。欲尋盟也。後於十八年二月。公會邾儀父盟于越。殆即答其來朝之意。與牟杜注牟國泰山牟縣。今山東濟南府東二十里有牟城。葛杜注梁國寧陵縣東北。今河南歸德府寧陵縣有葛城。在汴河之南。僖十七年傳。齊桓公夫人葛嬴。則葛國嬴姓。按牟與葛之來朝。亦非始通于魯也。惟春秋於其朝之犯禮者。志之以示戒。他或如禮。則从略云。

秋九月鄭伯突入丁櫟

讀春秋管見 卷二 桓公十五年

聖三

〔管見〕前書鄭伯哭出奔蔡。以失國名。此自蔡而入于櫟。仍未得國也。亦名。非斥其惡之謂。左傳曰。鄭伯因櫟人殺檀伯。而遂居櫟。杜注。櫟。鄭別都。河南陽翟縣。今開封府禹州是也。孫氏復曰。鄭世子忽復歸于鄭。故鄭伯哭入于櫟。以逼之。張氏洽曰。春秋止書哭入櫟。而忽壺儀之事。皆不書者。所以見大都耦國。既入于此。則鄭國之命。已制于哭。與入其國都。蓋無以異。特書入于櫟。而略其入國。亦所以謹亂之所由生也。又以見忽壺儀之為君者。末矣。而不足紀。此春秋所以為簡嚴之書也。

鄭 冬十有一月公會宋公衛侯陳侯于袤伐

〔管見〕袤。杜注。宋地。沛國相縣西南有袤亭。今在江南鳳陽府宿州。按。袤。為宋地。則其為此會以逐伐鄭者。宋為主也。

宋公馮以前納鄭伯哭哭背之。怨鄭。鄭以桓十二年會魯伐宋。戰焉。十四年。宋人以齊蔡衛陳伐鄭。未得。戰猶快也。及莊十五年五月。鄭伯哭出奔蔡。鄭世子忽復歸于鄭。鄭不得為哭。有宋當竊幸之矣。忽而九月。鄭伯哭入于櫟。仍欲有鄭。故宋公復讐鄭伯而伐之。公羊傳注。何氏休謂此伐鄭為征。哭實定諱也。但鄭伯哭入于櫟。不書伐櫟而書伐鄭者。蓋春秋特以鄭屬之厲公哭耳。觀鄭世子忽復歸于鄭。未二年。當桓之十七年。高渠彌弑之而立子亹。十八年。齊襄公師于首止。殺子亹。輟高渠彌。祭仲逆子儀于陳。立之。莊公十四年。傳取殺子儀而納厲公。然則自哭之入于櫟。鄭已非。忽之有何論于。聖優哉。前錄張氏洽之說。可據以解此書伐鄭之旨矣。至其會伐鄭者。如衛侯朔。陳侯林。皆即位纔四年。素與宋。惟公先及鄭伯伐宋。比于鄭哭。至是復會宋公伐鄭。其心絕不取其反覆。則何也。蓋初以哭由祭仲而歸于鄭。料其必終有鄭。而比之。及歷四年而哭奔。忽復歸。乃不獲已而謀自蔡入。櫟以逼鄭。其究必。

無能為。因是。遂會宋公及衛侯陳侯以伐鄭耳。夫豈知鄭之必屬于鄭伯。笑也哉。

十有六年

春正月公會宋公蔡侯衛侯于曹

管見去年冬十有一月之會于袤。為伐鄭也。傳稱弗克而還。則其再謀伐鄭以會于曹亦宋公主之者。其在先之會。袤以伐鄭也。蔡侯何以不與。于時鄭伯笑之。出奔。奔于蔡。其後之終欲有鄭而入于櫟亦入自蔡。蔡侯殆嫌于納其出奔而反攻其入國。於情事乖違太甚。乃因以不與與及宋公會伐鄭而弗克。謀再舉。更約蔡侯同會于曹。則又不獲已而往從之。以是十有六年之春正月公會宋公而蔡侯亦與衛侯俱至于曹耳。若陳侯最近于宋。宋使來。度當復宋公曰。再舉伐鄭。惟魯公與衛侯宜更會謀。至密邇如陳師期苟定。旋當先蔡侯而至。于師所可無會也。從袤之

約言已矣。夫一伐再伐。皆鄭也。則一會再會。皆伐鄭也。先于襄而茲乃于曹者。蓋宋公並欲乞師于曹。以相濟故耳。然夏四月之伐鄭。無曹伯。則曹伯之能慎守其國可知。觀前十四年之春正月。公會鄭伯于曹。是鄭之來謀禦宋也。而曹伯不國會。而比于鄭。今十六年之春正月。公會宋公蔡侯衛侯于曹。是宋之來謀伐鄭也。而曹伯亦不國會。而比于宋。故此書會于曹。非以于會指其地而已。言外寓有嘉曹伯之意。可于下書伐鄭之不及曹伯。證之。曹伯者。即曹伯終生之世子射姑也。

夏四月公會宋公衛侯陳侯蔡侯伐鄭

管見夏四月公會宋公而衛侯陳侯皆至。蔡侯獨後。春秋即因其後至而次諸末者。去年冬宋公為會于袤以伐鄭。蔡侯不欲與。及茲為會于曹。又伐鄭。蔡侯不能却曹之會。則亦不能不從之。以伐鄭矣。然其心終不欲也。乃遷延示

怯而安於後至焉。則亦惟免強從事而已。夫豈若曹伯之入于會中。竟能脫然事外也哉。然則諸侯之邦交。不可以不慎所始矣。

秋七月公至自伐鄭

管見去年冬十有一月。書公會宋公衛侯陳侯于袤伐鄭。伐之而已。弗克也。此年春正月。書公會宋公蔡侯衛侯于曹。夏四月。公會宋公衛侯陳侯蔡侯伐鄭。亦伐之而已。仍未克也。夫鄭伯哭之入于櫟。獨據鄭之別邑以自保。經五國合師而再伐之。皆弗克而還。此安得不以鄭屬之笑哉。以故伐櫟者。皆書曰伐鄭。公之至自伐櫟者。亦書曰至自伐鄭。惟公不知笑之必有鄭也。乃再以師會伐之。而卒無功。其至也。既不能舉。歸而飲至之軍禮。即其反而告還于廟。用牲幣而亦無辭以歸。美其祖禰也。取我惠焉。

冬城向

〔管見〕既公二年。莒人入向。則向非莒邑可知。至宣公四年。齊公及齊侯平莒及郕。莒人不肯。公伐莒。取向。是時向已為莒有矣。茲桓之十六年。莒猶未有向也。向是莒之強。乃因入向。將恃城以為捍蔽。時莒就魯定謀。且藉力焉。公許之。遂有是役。其事與僖公十四年。淮夷病杞。齊侯為之城。緣陵略同。但齊侯專為杞病。與齊無與。魯桓則恐向為莒病。亦將不利于魯。故公之城向。亦如城中。邱城。即城。視邱之在魯地者。皆有所不可已。然為向備莒而城之。則莒之固入向。乃益亟。而向必為莒井矣。趙氏鵬飛曰。向。莒魯之。境。上。本。非。莒。邑。故。莒。魯。交。爭。互。以。為。已。有。而。其。交。爭。自。今。日。城。向。始。故。聖。人。謹。志。之。論。最。明。確。

十有一月衛侯朔出奔齊

管見朔立六年矣。諸侯失國出奔。則名。故書曰。衛侯朔出奔齊。又諸侯出奔而復國。其初入亦猶名之。故莊公三年。書衛侯朔入于衛。此視前鄭之忽。笑爭國其奔與入皆書名。亦為一例也。乃公穀並稱衛侯朔得罪于天子。故名公羊傳語意甚晦。惟穀梁自申之曰。天子召而不往也。此足通其說矣。然天子何以名衛侯朔也。朔之出奔以莊公三年入于衛。於時有王人子突救衛。是救逐朔而代之。公子黔默年矣。王救黔默。必其先主立黔默。彼衛之左公子職。右公子洩。忽奉黔默而逐朔者。此其所憑仗也。然則天子之名衛侯朔。非即以廢之而逐朔哉。朔之不往。非其罪也。且凡罪朔者。多據左氏所紀。片其構陷。陷兄以取國。朔之兄伋與壽也。爾時宣姜欲終立己子。得伋于公。朔有兄壽。不當遽為身謀。以求傾伋。至公欲殺伋。命使齊。而以盜待諸莘。壽知而告伋。不聽。乃飲之酒。竊其旌以先。盜殺之。伋至曰。我之求也。盜又殺之。此其兄弟爭死。不可以常情測。揆諸天道。謂是獨思殺伋而並及壽。實以罪宣公之好淫。

可也。謂是方將殺伋而先及壽實以罪宣姜之。焉諱可也。
於朔何與哉。若夫伋相繼死。朔為宣姜次子。壽之母弟。
於義當立。豈然年之屬羣公子者所可代乎。講家率多不
罪然年而深罪朔。以為是既取國六年。合當出奔。其出奔
今當名。似皆不免
泥于左傳之失。

十有七年

春正月丙辰公會齊侯紀侯盟于黃

管見桓之十三年。齊侯祿父。合宋衛燕之師以伐紀。欲遂
滅紀也。而卒乃敗績。由公會紀侯及鄭伯敗之。明年祿父
卒。襄公諸兒立。必深怨紀之敗齊紀。何敢求盟于齊耶。亦
必并怨魯之助紀以敗齊公。復何能為紀求盟以平齊耶。
高氏閔曰。紀懼齊之見圖。每為之備。而齊人多詐。故為此
盟。示之以不疑。俾之弛怠。而不我虞。此為得其實者。于時

齊侯。圖。紀。而先之以盟。期于黃。紀。素恃魯。則必欲公之來
與是盟。以此而於十有七年春正月。公會齊侯。紀侯。盟于
黃耳。路。史。登之。黃。縣。有合黃城。本。紀。邑。後入齊。夫齊侯欲
盟。紀。侯。而定盟地于紀。邑。其意何居。桓之五年夏。齊侯鄭
伯如紀。此由齊侯祿父為之。將以略紀地而滅紀也。茲襄
公就盟于紀。邑之黃。亦即祿父之故智矣。紀如齊。何哉。公
又如紀。何哉。明年公薨。及莊公元年冬。齊
師遷紀。邢。鄆。都。四年夏。紀侯大去其國。

二月丙午公會邾儀父盟于趯

管見儀父。歷魯之隱桓二君。既二十八年。仍未命爵。為子
故亦只稱邾儀父耳。前隱公元年三月。書公及邾儀父盟
于蔑。稱及公之志也。此桓公十有七年二月丙午。書公會
邾儀父于趯。稱會不稱及。則邾儀父之志也。其先於十五
年夏與牟人葛人來朝。固必有公。以尋蔑之盟。
若杜注。魯地。當在今兗州府泗水鄆邑之間。

夏五月丙午及齊師戰于奚

管見春正月齊侯之盟紀于黃用詐也其意欲圖紀也而魯公忽來與于盟則仍前之助紀矣故齊侯來伐至奚齊亦及齊師戰于奚也君行師從稱齊師則來戰者齊侯已已惟齊師無名於是齊侯匿于齊師而不欲自見魯復援以為非敵也而不言公獨齊然相與一戰而止皆陳曰戰戰訖有克有敗此不可分則統以戰舉其概也可奚杜注魯地今兗州府滕縣南奚公山下有奚邑水經注夏車正奚仲之國也山上有奚仲冢

六月丁丑蔡侯封人卒

秋八月蔡季自陳歸于蔡

癸巳葬蔡桓侯

管見何氏休曰。蔡侯封人無子。封人欲立獻舞而疾害季。季避之陳。封人死。歸反。卒。恩慕三年。卒無怨心。故賢而字之。按此說與經有合。季為蔡侯封人之弟。其所立之獻舞亦弟也。則無子可知。蔡季長于獻舞。以次當立。國特以國繫之。稱蔡季。此與許叔之繫以許。紀季之繫以紀。其指事各有攸屬。而其褒重之意。固無所依。耶也。其但曰自陳歸于蔡。不先言出奔者。凡兄弟爭國。必生難。難作則出奔。前如鄭之忽。突。其證已。若蔡季之避而之陳。獨忘爭而善讓。以視吳泰伯伯夷之倫。雖遭遇遠別。亦行迹迥殊。而要其意之所主。則何嘗不一。揆與且其歸也。不於蔡侯之卒。而于其葬。卒以六月丁丑。葬以秋八月癸巳。于時獻舞之立。奉為在喪之君。已三月矣。蔡季既歸。行將北面事之。不減于其先君有斷然者。又况魯桓之世。天下諸侯皆無王。而蔡季之葬封人。獨先請謚于王。遂遵王之策。書曰蔡桓侯者。不敢以公異稱。綜其自處甚善。復盡志于愛君。以禮不賢而能之乎。字而不名。直表為春秋中第一流人物。

雖未嘗為君。華
衣之榮。與膏馬。

及宋人衛人伐邾

管見左傳曰。伐邾。宋志也。是宋主兵。而魯與衛從之矣。其
伐邾之故。未聞。觀其於宋。衛皆賤。而稱人。則此役為負強
挾黨以侵小。可不待明言矣。是年春二月丙午。公會邾儀
父。盟于越。意者邾之來為此盟。即早知宋之素睦于衛。將
謀伐邾。因欲求魯以為援。與未幾而秋八月。宋人衛人伐
邾。亦使乞師于公。而公遂及之。直若宋人衛人猶未足以
伐邾。而必待公者。然越之盟邾。何為哉。此其無以對儀父
不具論。苟念司盟之神。當莅公于越。其將何地以自容乎。
春秋於此。不書公殆欲
借以發其愧恥云爾。

冬十月朔日有食之

管見春秋書日有食之共三十六其書日之干支並書朔者共二十五當隱公三年日有食之始書也但書春王三月己巳不書朔其己巳即朔之干支則朔字可省襄公以前間從此例凡八見豈得概以為闕文哉茲桓公之十有七年又獨書冬十月朔不書干支以日有食之其在朔為一定而朔日之干支隨其所值而無定不並舉可也此雖一見而已亦非有闕文者若莊公十八年只書春王三月日有食之僖公十五年只書夏五月日有食之既省日之干支復不稱朔殆以日有食之之在朔為一定則惟書其月之繫于年而無定者以別白之亦自了澈夫孰疑其日有食之之非朔乎春秋書法簡嚴其變換又偶再見於此獨指為省文則近之矣夫何闕焉再按日有食之有字讀去聲同又皆指不當食而食言故春秋二百四十二年條計所書集至三十六而止但其不當食而食亦必於日只交會之朔見之惟春秋隨文成例不拘一格其間有書一

支而不朔者有去干支而單書朔者更有干支並朔而

不書者多不辨其詳略。合於是左氏以為官失之也。公羊則謂或失之前或失之後。失之前者朔在前也。失之後者朔在後也。與穀梁所稱食朔前之晦日食朔後之二日大同。並非確論。至此年書冬十月日有食之。穀梁指為夜食。尤屬臆斷。又按魯史所書日食。蓋逐年俱有。豈能別其當食不當食耶。惟孔子上律天時。當自顓頊為厯宗以來。通併于唐虞夏商以及周。其五紀之常變。一皆羅列心胸。乃克辨魯史日食之當食者削之。其有不當食者則從而筆之。並加有字之字。以明示後世。使太史之守典奉法。得憑以測天象之示災為不誣也。至杜氏預推行甲子以制長厯。輒執以議經文之多誤。其自信亦太過矣。

十有八年

春王正月

管見傳於是年春正月。謂公會齊侯于濼。遂及文姜如齊。齊侯通焉。公諷之。以告。夏四月。丙子。享公。使公子彭生乘公。公薨于車。家氏鉉翁曰。齊魯雖婚姻之國。盟會未幾。戰爭相尋。蓋敵國也。公一旦與姜氏如齊。殆天所以致篡逆之誅。非人所能為也。按天誅既行。則王法。伸矣。此蓋十八年所由復。諸王之意。與。

公會齊侯于濼

管見在公十五年。夏五月。公會齊侯于艾。以襄公諸兒新立。始通好也。至十七年。夏五月。丙午。及齊師戰于奚。則不能以無怨矣。茲于十八年春。王正月。公會齊侯于濼。其意殆欲復修艾之好。而釋奚之怨云爾。濼。應駕反。又音洛。杜注。濼水。在濟南府歷城縣西北。入濟。今釣哭泉。即濼水之源也。蓋濟水伏流重發處。

公與夫人姜氏遂如齊

管見吳氏激曰。此行公往會齊侯爾。夫人欲同往。公不能制。滌會禮畢。夫人又欲同齊侯。至齊。夫婦既同出。公不可獨反國。故遂與之同如齊也。趙氏鵬飛曰。如齊者。文姜志也。非公意也。故不書及而書與。若曰。公不得已而與姜氏如齊耳。汪氏克寬曰。與之為言。乃黨與匹敵之義。而不相屬之詞也。按與字。斥桓公。明其不能制義而從婦失夫綱也。遂字。則斥夫人姜氏耳。婦人從夫。故易家人之六二稱无攸遂。公不欲如齊而夫人專行。是為遂矣。

夏四月丙子公薨于齊丁酉公之喪至自齊

管見朱子曰。孔子直書義在其中。云公會齊侯于某。公與夫人姜氏如齊。公薨于齊。公之喪至自齊。夫人孫于齊。此等顯然在目。雖無傳亦可曉。高氏閔曰。滌之會。不書夫人出。以遂如齊見之。喪至不書夫人入。以孫于齊見之。不與

其出。不與其入。聖人之意微矣。
按二說皆善體會春秋書法。

秋七月

管見左傳是年秋齊侯師于首止。子疊會之。高渠彌相。七月戊戌齊人殺子疊而轅高渠彌。夫齊侯何德於鄭昭公。忽乃必殺其篡立之子疊而復轅其弑昭公而立子疊之高渠彌哉。蓋欲借是以威魯耳。公之薨于齊由夫人姜氏與齊侯諸兒同謀而弑之者。長至自齊。衆議沸騰。醜聲四布。魯豈能忍恥而不反其讐與。于時桓公有庶子慶父。長於莊公。以強著。齊侯必早聞之。因思魯雖悉衆來討。無若齊何。惟姜氏在魯有子。同方幼弱。彼慶父其人者。苟藉口于不共戴天勢。必謀弑嫡母姜氏而並及其正嗣。則何道以全之。乃無緣而師于首止。殺鄭庶孽子疊之篡世子忽者。且轅強臣高渠彌之為子疊而弑世子忽者。使虐威震於魯國。則其謀必沮而不行。已而果然。故公之喪至已。

四月矣。莖日未卜。一似猶秉周禮。以謂君弑。賊不討。不可以為人臣子。寧緩莖也。無何義憤奪於疑慮。其嫁禍於子。疊高渠彌之師。未返而坐罪于公。子彭生之使已行。且為之婉致其辭曰。寡君畏君之威。不敢寧居。來修舊好。禮成而不反。無所歸咎。惡于諸侯。請以彭生除之。此特無聊之極事耳。至于齊侯殺彭生。魯亦無言。乃奉莊公即位于桓前。為在喪之君。而夫人姜氏亦安然為君母。以母其國。是時更欲何為而不莖桓公耶。由茲秋七月始。至于冬十有二月。已丑。莖我君桓公。亦復如諸侯五月而莖之定禮。獨思其秋七月以前。距公之喪至。已四月。莖為其有故而緩莖也。及是而莖桓公。又若無故而必。緩莖者。然其何以告。無罪於我君也哉。

冬十有二月己丑葬我君桓公

管見張氏洽曰。莖稱我君而復舉莖。趙氏以為臣子之敬詞。益明言我君以舉其新加之謚。然後其詞恭且順。不然。

則恐涉他國君而近于不檢
矣。我君二字。須得此發明。